


諸城縣志

卷二十七 卷二十八 卷二十九
卷三十 卷三十一 卷三十二

第六冊 錄傳

宦蹟
宦蹟
列傳一
列傳二
列傳三
列傳四

DS
793
S42A653
1764
v.6



宦蹟錄上

諸城縣志二十七

守鎮諸公旣臚於表矣錄其政事非妄摭也朱博而下
惠澤往往見於史冊至蘇軾論災傷手實及權鹽諸書
今縣人讀之猶有泣下者其尸祝之豈必以其重望乎
前志載元山東行省統軍使撒吉思回鶻人按治密州
歲歉請發粟振卹免租徭三年州人刻石頌德後志載
國朝山東巡撫袁懋功香河人以廉率屬以惠綏民奉
旨入縣名宦祠縣雖下屬而沐二公之澤者深矣然以
遼帥入縣志非例也故不與諸公同錄之作宦蹟錄上
漢朱博字子元杜陵人成帝時由并州刺史護曹都尉

遷琅邪太守齊俗舒緩養名博新視事右曹掾史皆移
病卧博問其故對言故事二千石新到輒遣吏存問致
意乃敢起就職博怒廼召諸曹吏書佐及縣大吏選視
其可用者出教置之皆斥罷諸病吏視事數年俗大改
令屬縣各用其豪傑爲大吏縣有劇賊及他非常輒移
書以詭責之其盡力有效必加厚賞懷詐不稱誅罰輒
行一時豪傑懾服以高第入守左馮翊累官御史大夫
拜丞相封陽鄉侯

趙貢涿郡蠡吾人成帝時爲琅邪太守有能名嘗行縣
見不其丞薛宣嘉其能使從行還至府出妻子與相見

戒曰贛君至丞相我兩子亦中丞相史贛君宣字也後
宣果至丞相用貢兩子爲丞相史人稱其藻鑒
馮野王字君卿上黨潞人以父任爲太子中庶子累遷
大鴻臚以王舅不得備九卿出爲上郡太守朔方刺史
蕭育薦其行能高妙內足與圖身外足以慮化成帝爲
太子時聞其賢因拜爲琅邪太守時王鳳輔政數有災
異京兆尹王章譏鳳專權薦野王代之後章爲鳳所陷
野王懼不自安以病告鳳鳳御史中丞劾奏免歸終於
家

楊彤成帝時爲琅邪太守郡有災害十四已上丞相王

商部屬按問大將軍王鳳與彤連昏曉商曰災異天事
非人力所爲彤素善吏宜以爲後勸商不聽竟奏免彤
楊榮字子遜梁人與喬仁同受小戴禮於徐良仕至琅
邪太守

公孫閎平帝時爲琅邪太守時王莽秉政使使者分行
郡國採頌聲以文致太平閎獨言災害於公府大司空
甄豐迎莽意劾閎空造不祥下獄死

王閎魏郡人哀帝時爲中常侍嘗叱董賢收其印綬後
不其張步聚衆數千據琅邪郡更始遣閎爲琅邪太守
步拒之不得進閎爲檄曉喻吏人降得贛榆等六縣收

兵數千人與步戰不勝時步拓地漫廣兵甲日盛閔懼其衆散乃詣步相見欲誘以義方步大陳兵引閔怒曰步有何過君前見攻之甚乎閔按劍曰太守奉朝命而公擁兵相拒閔攻賊耳何謂甚邪步嘿然良久離席跪謝乃陳樂獻酒待以上賓之禮令閔關掌郡事建武五年閔詣劇歸光武

陳俊字子昭南陽西鄂人建武四年太山豪傑多擁衆與張步連兵吳漢言於帝曰非陳俊莫能定拜俊太山太守行大將軍事與張步戰於嬴下大破之追至濟南遂定太山五年與建威大將軍耿弇共破張步時琅邪

未平乃徙俊爲琅邪太守齊地素聞俊名入界盜賊皆解散俊將兵擊董憲於贛榆進破朐賊孫陽平之八年張步畔還琅邪俊追討斬之帝美其功詔俊得專征青徐俊撫貧弱表有義檢制軍吏不得與郡縣相干百姓歌之後封祝阿侯

張宗字諸君南陽魯陽人建武初爲河南都尉八年平潁川桑中賊後青冀盜賊屯聚山澤宗以謁者督諸郡兵討平之十六年琅邪北海盜賊復起宗督二郡兵討之乃設方畧明購賞悉破散於是沛楚東海臨淮羣賊懼其威武相捕斬者數千人青徐震慄後遷琅邪相其

改好嚴猛敢殺永平二年卒於官
李章字第公河內懷人光武平定河北召章置東曹屬
數從征伐卽位拜陽平令後爲琅邪太守時北海安邱
大姓夏長思等反遂囚太守處興而據營陵城章聞卽
發兵千人往擊之掾吏止章曰二千石行不得出界兵
不得擅發章按劍怒曰逆賊無狀囚劫郡守此何可忍
若坐討賊而死吾不恨也遂引兵安邱城下募勇敢燒
城門與長思戰斬之興歸郡以狀上帝甚嘉之
唐崔元亮字晦叔磁州昭義人貞元初擢進士第累署
諸藩幕府居喪終制寢地下得脾病不樂進取元和初

召爲監察御史轉駕部員外郎清慎剛介遷密州刺史
後由太常少卿改諫議大夫朝廷推重卒贈禮部尚書
劉康又昭宗時密州刺史天復三年楊行密陷密州康
又死之

宋馬仁瑀大名夏津人周世宗時數戰有功太祖重用
之累領荆湖川陝諸郡後爲密州防禦使太祖征晉陽
命仁瑀率師巡邊至上谷漁陽兵素聞其名不敢出及
歸治所羣盜起兗州其魁周弼毛襲尤勇悍號長脚龍
詔仁瑀擊之仁瑀領帳下十餘卒入泰山擒弼盡獲其
黨太宗時爲朔州觀察使卒贈河西軍節度使

王博文字仲明曹州濟陰人初任南豐尉以薦試中書
賜進士第知濠州改監察御史以疾請出知海州徙密
州密負海有鹽場歲饑民多盜鬻輒抵死博文請弛鹽
禁候歲豐乃復從之除殿中侍御史累遷給事中同知
樞密院事卒贈尚書吏部侍郎博文初以吏事進多任
繁劇爲政務平恕嘗語諸子曰吾生平決罪至流刑未
嘗不陰擇善水土處汝曹志之

吳奎字長文濰州北海人性強記於書無所不讀舉五
經仁宗時累官右司諫改起居舍人同知諫院出知密
州禱雨輒應神宗時參知政事時召王安石不至奎曰

安石護前自用所爲迂闊萬一用之必紊亂綱紀後以資政殿大學士知青州卒贈兵部尚書諡文肅

田京字簡之亳州鹿邑人舉進士解兵法自蜀州司法參軍累知邵武軍提點河北刑獄上言十餘事仁宗皆嘉納之王則據恩州反京督士攻城甚力賊繫京妻子乘城迫使呼曰毋急攻城中將屠我輩矣京叱諸軍益進凡仰射殺四人賊乃引去朝廷以京不能預察賊降監鄆州稅御史交章言京過輕乃改判兗州徙知密州皆有能名後至右諫議大夫

蔡齊字子思萊州膠水人舉進士第一真宗顧謂宰相

寇準曰得人矣仁宗時由侍讀學士罷爲龍圖閣學士
知河南府改密州召爲諫議大夫御史中丞累拜禮部
侍郎參知政事出知潁州卒贈兵部尚書諡文忠蘇軾
嘗云齊知密州時歲旱除公田租數千石請弛鹽禁使
民得衣食救饑民甚賴之
蘇軾字子瞻眉州眉山人士熙寧八年自杭州通判移知
密州軍州事時司農行手實法不時施行者以違制論
軾謂提舉官曰違制之坐若出自朝廷誰敢不從今出
自司農是擅造律也未幾朝廷知法害民罷之有盜賊
竊發安撫司遣三班使臣領悍卒來捕盜卒凶暴恣行

至以禁物誣民入其家爭鬪殺人且畏罪驚潰將爲亂民奔訴軾軾投其書不視曰必不至此散卒聞之少安徐使人招出戮之時蝗旱相仍軾條上災傷又數寓書侍中文彥博丞相韓琦論新法及災傷手實期年化行訟庭闐然日與通判劉庭式於古城廢圃採杞菊食之居二年徙河中府未任改徐州元豐八年知登州再過密民扶老攜幼遮道攀留卽軾所名超然臺肖像祀之至於今

劉庭式字得之齊州人蘇軾知密州時庭式爲通判有治聲幼曾議取鄉人女及登進士第女喪明且貧甚不

敢復言或勸納其幼女庭式笑曰吾已心許之矣卒娶之生數子死後庭式哀之逾年不肯復娶軾問之曰哀生於愛愛生於色今君愛從何生哀從何出乎庭式曰吾知喪吾妻而已若緣色而生愛緣愛而生哀色衰愛弛吾哀亦忘則凡擣袂倚市目挑而心招者皆可以爲妻耶軾深感其言庭式後爲朝請郎監太平觀老於廬山絕粒不食步上下峻坂如飛以高壽終繼庭式者爲趙成伯未知其何許人初知眉州丹稜縣與軾遊軾至密未一年而成伯亦以尚書郎倅是邦與軾數相倡和軾嘗爲作通判廳題名記曰余性不慎言語有所不盡

吐出乃已而人或記踈以爲怨咎以此尤不可與深中而多數者處君旣故人而簡易踈達表裡洞然余固甚樂之而君又勤於吏職視官事如家事余得少休焉按熙寧九年雩泉碑陰載有朝奉郎守尚書屯田郎中通判密州軍州事上騎都尉賜緋魚袋趙庾蓋成伯也其後軾知密州見於軾詩者則有孔宗翰宋國博霍翔諸人宗翰字周翰孔子四十六代孫也蘇詩施注謂宗翰宜聖五十世孫按宋史孔道輔傳孔子四十五代孫也宗翰爲道輔之子故正之登進士第知仙源縣爲治有條理遇族人有恩不以私故翫法王珪司馬光皆上章論薦由通判陵州爲夔峽轉運判官提點京東刊

猶知虔州歷陝揚洪兗州皆以治聞哲宗初立上書稱
旨元祐初召爲司農少卿遷鴻臚卿進刑部侍郎屬疾
求去以寶文閣待制知徐州未拜而卒本傳敘述甚詳
獨遺知密州事其知密州與軾爲代軾詩謂朱輪未及
郊清風已先馳又謂今年太守尤難繼慈愛聰明惠利
人者也軾於熙寧九年去密州十年有送孔郎中赴陝
郊詩施注疑孔自密移陝過徐與先生會則宗翰在密
未及一年故明年元豐改元又有次韻答宋國博詩詩
云吾觀二宋文字字照縑素淵源皆有考奇嶮或難句
後來邈無繼嗣子其殆庶又云山城辱吾繼缺短煩遮

言坡集卷二十一
八
護蓋亦知密州者施注謂爲郊祁嗣子而宋史弗載霍
翔見軾再過超然臺詩自注翔在熙河作屯田有功故
稱以護羌克國寶元豐八年也

翟汝文字公巽潤州丹陽人博雅能文有風度從蘇軾
黃廷堅遊登進士第徽宗時由祕書郎歷任中外多所
建白遷給事中上言忤內侍梁師成出守宣州召爲吏
部侍郎出知廬州徙密州密負海產鹽蔡京屢變鹽法
盜販者衆有司窮治黨與汝文曰祖宗法度獲私商不
詰所由欲靖民也今繫而虐之將爲厲矣悉縱之密歲
貢牛黃汝文曰牛失黃輒死非所以惠農宜輸財市之

則其害不私於密上從之欽宗卽位召爲翰林學士改
顯謨閣學士知越州兼浙東安撫使高宗紹興元年召
爲翰林學士兼侍講除參知政事同提舉修政局時秦
檜相四方奏請填委未決吏緣爲姦汝文語檜宜責都
司程考吏牘稽違者懲之汝文嘗受辭牒書字用印直
送省部入對乞治堂吏受賂者檜怒面劾汝文專擅右
司諫方孟卿因奏汝文與長官立異罷去以卒先是汝
文在密檜爲郡文學汝文薦其才故檜引用之然汝文
性剛不爲檜屈對案相詬至目檜爲濁氣云

張敦禮神宗時爲密州觀察使元祐初上疏言變法易

言城縣志二十一
令始於王安石成於蔡確近者退確進司馬光所得多矣進武勝軍節度使

晁補之字無咎濟州鉅野人聰明強記纔解事卽善屬文十七歲從父端有官杭州敘錢塘山川風物之麗著七述以謁通判蘇軾軾先欲有賦讀之歎曰吾可以閣筆矣舉進士累仕至著作佐郎章惇當國出知齊州羣盜晝掠塗巷補之默得其姓名一日宴客召賊曹以方畧授之酒行未竟悉擒以來一府爲徹警後黨論起出知河中府徙湖州再徙密州治皆有聲還家自號歸來子嘗著罪言一篇欲擇仁厚勇畧吏爲五管郡守及修

海上諸郡武備議者以爲通達世務

金王元節字子元弘州人幼穎悟渾源劉撝愛其才俊以女妻之遂傳其賦學登天德三年詞賦進士第雅尚氣節不能隨時俯仰遷密州觀察判官旣罷逍遙鄉里以詩酒自娛號曰遜齋年五十餘卒

完顏寓本名訛出西南路猛安人大定二十八年進士累遷禮部侍郎由隴州防禦使進安化軍節度使兼山東路統軍副使興定元年四月詔寓以本官權元帥左都監行元帥府事十二月密州破寓爲亂軍所殺

移刺古與涅安化軍節度使貞祐初元兵取密州古與

言城縣志二十一
十一
涅率兵力戰流矢連中其頸旣拔去復中其頰死焉貞祐三年詔贈安遠大將軍知益都府事

元張崇道銅臺人至元二十二年知密州崇學校重農桑有古循吏風

孔治孔子五十三世孫至元二十九年知密州甫下車卽捐俸修儒學公餘躬親督視不少懈並於學旁置師生講肄之所別擇士之秀者延師教之化大興治性廉潔絕私謁惟以戢奸卹困爲事父老感悅攜杖焚香拜於庭者無虛月

卜元英字彥才燕人大德五年知密州廉能公慎始終

如一先是儒學兩廡從祀諸賢皆以繪畫元英始易泥像太常博士李之紹爲文記之其畧云奉訓卜侯庀徒蒧事代繪以堦然後延聘師儒擇子弟秀民而教育之蠲其雜徭鄉邑增勸生徒雲集絃誦之聲殆若鄒魯之盛焉

真問順帝至元四年任密州達魯花赤惓惓以厚風俗興文教爲己任勉勵屬縣廣立社學擇通曉經書者爲之師常親至問閤召耆老問民疾苦勸農課桑務期實效時山海間盜賊竊發爲嚴更鼓之制督捕盜官兵設方畧定功賞奸人屏息民賴以安堵州廨歲久傾圯公

言城縣志卷二十一
首捐俸以倡僚屬凡材木瓦石工役必授其直不以累民並修超然臺及各官廨舍秩滿不俟代而去州人思之乃勒石儀門之右以述其善政

黃濟字汝舟河南祥符人至正八年知密州值歲饑盜熾濟陳弭盜救荒各十事奏弛漢人不得持兵器禁乞減價糶常平倉民賴以安安邱舊有祝靈姬淫祠濟命毀之又嘗決豪民楊春等獄奸回悉屏跡治聲大著時朝廷遣禮部郎中成遵等巡歷青齊舉覈守令以濟治行第一聞於朝遣太府監照磨完者帖木兒齎金帛褒之後陞去士民勒去思碑於其廳事

宦蹟錄上第一

自新錄上卷

宦蹟錄下第二

諸城縣志二十八

前後志縣職官下有僅綴一二語者得知縣一人曰高復亨縣丞六人曰郝知微王永孫清郭郊蘓端李應時教諭訓導十有五人曰張珍劉珣游新佑張恕王道正高進孝張進中郭賢王強張獻猷張應奎王炯朱紹祖劉璉李本性政事皆未詳不能成傳今擴宦蹟之有可徵者各錄其槩以著一縣之循良焉作宦蹟錄下

金路伯達字仲顯冀州人性沉厚有遠識博學能詩登正隆五年進士調諸城主簿後累官至刑部侍郎太常卿拜安國軍節度使攻鎮武安以直諫顯名當時嘗使

宋回獻所得金二百五十兩銀千兩以助邊卒贈太中大夫

明金汝穆失其貫洪武初任知縣前志曰聞之父老云開創之初百務叢集修建經營悉殫厥心

朱允恭太祖實錄云姓陳陝西保安人洪武十五年任

知縣清介不阿忤權貴被誣逮謫戍雲南二十一年縣

父老董興等詣闕保奏上諭吏部曰爲國以任人爲本

作奸者不可以小才而貸之果賢者不以小疵而棄之奸者必懲庶不廢法宥過而用則無棄人陳允恭前任諸城以簿書之過謫戍雲南比有言其治縣時能愛民

老夫長民者能愛民雖有過可用也於是召還復職仍遣使齎禮物勞之後卒於官民甚哀之前志云大誥續編列入有司超羣條

任佑河南靈寶人洪武二十七年由監生任知縣精勤廉幹愛民如子陞永平府同知累官四川右布政使蘇文蔚交趾清潭人永樂四年朝廷平其地文蔚慕義先歸授清潭縣丞九年考績稱最交趾復叛文蔚遂留京師宣德初改諸城縣丞十年通考進七品俸乞致仕遂家焉暮年究心禪悅通死生之故年七十自作墓志銘勒於石遂卒子繼先以父廕賜廩膳生員後仕宜興

縣丞

于正四川內江人景泰時由舉人任知縣前志云子諒
人也有吏才遷知莒州

閻鼎直隸深州人由進士授監察御史守正不撓成化
七年以忤中貴外調諸城愛民養士捐俸建滄浪書院
及迎春接官二亭旬宣牧愛宣化明教儒林皇華肅綱
宣威鎮海迎恩十坊縣人歷久頌之
章倬湖廣善化人由舉人任知縣前志云愷悌人也在
任逾年政通人和致仕歸

馮廣河南鄭州人由進士任知縣政平訟理公餘親製

藥餌以療民病置漏澤園自立碑記其事

馮傑順天涿州人弘治二年由進士任知縣宅心平恕政務宜民歷官兵備副使爲賊所執不屈死撫按上其事廕一子世襲百戶

鄧萬斛四川富順人弘治十一年由進士任知縣性明敏發奸摘伏如神胥吏無敢上下其手縣地濱灘水者多沒於沙不可耕民苦空賦紛紛逃竄萬斛疏奏乞免命下行勘未報以憂去民多攀轅泣送者
崔旻直隸香河人弘治中由進士任知縣寬而有體長於幹濟吏畏民懷後仕至參政

毛鏜直隸太康人弘治中任訓導性至孝聞喪不治裝而行

王九純浙江永嘉人任訓導講學根據理要尤工古文詞遷竹山教諭官至黃州教授

鄭奇河南光州人由舉人任知縣政事諳練不勞而治陞知滄州

楊謙山西聞喜人由舉人先任武城調繁諸城性剛嚴吏民畏懾如火烈莫敢犯

王緒陝西華陰人由舉人任知縣正德六年霸州流賊

劉六劉七齊彥名等掠山東連陷樂安安邱悉衆來攻

時太平日久民不識兵城中哭聲震天地緒誓以死守
躬督千戶張武義勇丁紀等分守各門嚴號令明賞罰
縉紳士夫亦驅之登陴預引扶淇水注滿池隍賊不能
近又聞官兵躡其後遂解圍去前志嘗以未爲立祠爲
恨

申良字延賢山西高平舉人由招遠知縣調諸城性方
嚴無所假借朝廷采錄山東官績以良爲首稱歷知良
鄉進安吉知州錦衣葉瓊倚錢寧勢奪民田良讞還之
民瓊因嗾奸人誣劾良事竟得白稍遷常州同知入爲
戶部員外郎以忤奄人與郎中楊淮同伏闕受杖死贈

太僕少卿

劉竹直隸晉州人由進士任知縣謹厚清苦撫字勤勞
尋卒於官易簀之夕有因其貧而誘之以利者竹猶睜
目叱之其精明不亂如此

李宗樞陝西富平人由進士任知縣剛明正直人莫敢
犯三年內百廢具舉擢監察御史仕至都御史

鄭坤河南光州人由進士任知縣性冲和平易近民而
民不敢狎之墾蕪拓學址軫卹困窮三年擢監察御史
後至都御史

安臣河南偃城人嘉靖閒任縣丞有清操嘗爲義民邱

儀辨冤獄酬五十金斥不受未期卽告歸士民製帳軸
送者遮道

張大藩廣東順德人嘉靖閒由舉人任教諭督課勤勞
自甘淡泊數年不攜家累處之泰然陞昌樂知縣

祝天保字惟忠直隸唐山人嘉靖二十七年由進士任知
縣性明斷丰儀雅飭一切不自操切必擇人分任之使
各効其能惟別勤惰行賞罰尤不率者繩以法三年政
平訟理陞戶部主事累官山西參政

楊繼盛字仲芳直隸容城人由進士授南京吏部主事
改兵部車駕司員外郎以劾仇鸞謫陝西狄道典史遷

諸城知縣凡所措施率以鋤強暴綏善良爲務繼盛嘗自述曰諸城濱海俗甚強悍予治事不數日民皆守法

吏不敢奸月餘調南京戶部主事

前志云未行陞刑部員外郎按年譜七月

十二日到任十月初六日離諸城到南京後始遷刑部員外郎縣人陳燭等送之濰水

之陽繼盛降輿揖衆抗言嚴嵩擅權納賄害天下至京

師必劾之衆相顧愕然後果以劾嵩棄市前志云嘉靖

三十一年公來縣時年三十七身在長短之間容儀秀

雅面圓色皙兩鬢下鬚連蜷長寸許漆色微虬目多白

睛瞻之有威而談笑娓娓不倦閒出諠語與人無崖岸

善射去之日輿中猶懸弓矢其沒也士民亟擬祠之時

有縣人爲朝官者與有隙力阻不果久之乃與楊天民
合祀焉

季永康字丁溪直隸滄州人嘉靖三十三年由進士任
知縣積學有守性微贛以憂去前志云永康旣去尋爲
鄉官挾怨者所誣劾錮其終身公論至今猶爲扼腕
馬時泰字竹亭河南陳留人由舉人任知縣諳習世故
體卹民情所施爲皆敏捷合機宜行取南京工部主事
仕至陝西行太僕寺卿

王三錫字華巒四川內江人隆慶四年由進士任知縣
性坦夷無城府然不可以私干豪右畏之自奉儉約被

服布素如儒生常祿之外一介不取陞戶部主事累官副使

趙楫字汝進順天大興人隆慶六年由進士任知縣始至值歲祲民多流竄楫委曲招撫聽民墾荒田限三年後始起科復業者千餘家縣多大猾暴行鄉里中楫拘其渠數人抵之法田賦久不均楫密訪問閭洞知其弊選省祭等官分丈其地而以行誼推於鄉者輔之別肥瘠爲三等吏民不敢欺每朔望詣學宮詔諸生勸以績行力學其貧者捐俸助之擢御史去民卧轍泣涕皆以親巡按山東視之後果爲山東參議旋擢湖南巡撫以親

老告歸縣已數易官矣民思之益切

祠西寧門

城內刻碑記德政

張大謨字南川直隸永年人萬歷十五年由進士任知縣約已愛民待胥役甚嚴不假以嘖笑時境內地多荒蕪令貧民願墾者得自陳告凡荒田所在不問年之久近主之有無告官開墾遂爲己業廬舍井竈卽立於其所名之曰官莊凡四十五處一時貧民胥賴以養焉行取御史巡按山東復簡靜著治聲吏民安之

楊天民字正甫山西太平人萬歷十七年進士由朝城調繁諸城下車問疾苦察民所利病辨色視事吏左右

侍諸訟者以次訊曲直各當其意而退吏胥不得相語公庭如秋霜縣兩稅吏高下其手多重入之天民嚴稽覈屏絕奇羨會有倭警上官急令守城天民但籍名於官不擾其業曰倭詎能突至哉勿鳥獸駭吾赤子也二十一年水大禡斗粟至百錢以上民率屑草木食之天民亟發倉儲先期計丁口多寡白三斗至盈石爲例及期率倅尉各司一倉盡日而畢又勸富民出粟踰百石者綽楔旌其門給放如官廩法餘作粥贍就食者每至粥場淚簌簌霑襟饑民感動其病者手禁方起其疴又修學宮及常山雩泉亭俾饑民傭工就食於官所活甚

衆旁縣民嘯聚劫糧漸逼境內天民曰良民吾活之姦民不可縱也捕其魁撻於市是歲租賦無所出天民緩其徵謂催科政拙吾任之奈何取枵腹子曰敲撲乎來歲大熟民爭輸卒不以縮額爲之累二年以內召去父老千餘泣送數百里勒碑紀其政至京擢禮科給事中與御史牛應元請復建文年號從之後上言宜早定國本謫永從典史以幽憤卒初天民去縣時縣人立遺愛祠祀之後官多貪婪耆老相聚哭祠下及以楊繼盛合祀其中乃更額曰二楊祠

顏悅道字君白直隸魏縣人萬歷二十三年由進士任

知縣性明敏敢任事禦倭海上民賴以安權璫妄指縣有礦悅道正色曰若指怨家爲金穴是人人可供其撲滿也力持不可乃寢直指趣送豪右悅道曰民若不逞豈無三尺在何至煩上官鍛鍊三更直指未嘗送一人卒未有一人暴橫者學使索劣行生亦不與士化之兩勘徭役皆平允增柔遠能邇等社招撫流民數百戶陞戶部主事去十餘年民爲刊碑立生祠琅邪臺上先是悅道爲諸生時嘗夢遊琅邪因以爲號後果與夢符每招鄉宮同遊賦詩爲娛樂故民於臺上祀之

李凌雲南直隸華亭人萬歷中由進士任知縣蔬食白

甘不名一錢猾吏皆屏跡去會久旱以鐵檄投龍湫立
大雨霑足後內召去以假歸里縣復旱百計禱不應父
老走華亭乞凌雲書幣凌雲笑曰往在任以天子命吏
禱雨故應耳今去汝久無能爲也父老曰今令君精誠
不至禱之若罔聞惟公能活吾屬只乞一札足矣凌雲
不得已乃具書侑以四物內有玉章一方父老歸焚書
投璧澍雨霑足明年再旱再走華亭乞書亦再雨其感
通神明如此

唐文煥陝西富平人由進士任知縣縣大蝗文煥禱於
神蝗赴海死未翼者大鳥羣食立盡或作蝗異傳志之

安邱饑民爲亂鄰縣響應獨縣人不敢發發又無不輒得旁郡有劇盜皆檄文煥平治之時比歲不登鬻鬻滿野饑民爭鬻子女文煥請發倉賑貸爲粥食之或不能徧下輿抱饑者痛哭遣人赴淮航粟招商賈鄰境賴以全活數萬人縣人爲立生祠直指疏薦陞吏部主事

楊時華陝西延安衛人萬歷間由鞏昌府訓導遷教諭性嚴正好惡無所偏入學及補廩增者任所餽厚薄不強索陞寧夏中衛教授繼時華爲教諭者又有徐東漸王紹緒陳嘉言諸人東漸齊河人由舉人任剛直有守令諸生各立文會親定甲乙大風雨不輟有冤抑者力

爲伸理陞直隸大城知縣紹緒壽張人由新城訓導遷
嘗捐俸佐諸生課費誨以行誼署縣印數月門無苞苴
陞山西澤州學正嘉言江西樂安人由舉人署性樂易
諸生有觸蠻不平者力和解之陞南直隸蕪湖知縣
李魚化臨邑人萬歷閒訓導聚數十士於署日督課之
多所成立以憂去後魚化爲訓導又有王民皞張獻文
者民皞黃縣人性坦率對之若泛虛舟亦以憂去獻文
直隸定興人馳誠無僞母年老在籍不能迎養每思母
日夜流涕人稱其孝

趙千里不知何許人任訓導後志云崇正十五年守城

殉難同時死者又有徐李二人皆訓導逸其名明制訓導二人其或一得代未行者歟

國朝程澐字箕山直隸人由舉人任知縣弱冠美丰儀而機警有智值鼎革初縣大猾揭竿起白日肆掠良家子多竄匿城空無居人澐談笑殲其渠縣賴以安尤加意振興學校士民懷焉陞刑部主事

吳之珍字西澗湖廣黃岡人由進士任知縣性簡易不尚刻核政事之暇常進諸生親第其經藝講肄不倦以註誤去

高瓊字金臺遼東遼陽人由貢生任知縣時土寇竊發

瓊市戰馬養壯士邨落有長都鄙有伍賊至瓊一呼集
數千人出戰賊望風遁軍人逃旗者多株連累民瓊皆
械繫之歸其籍不數月民安堵乃緩催科闢荒蕪擇民
閒子弟之俊者教之頌聲大作縣人爲立生祠後以註
誤去

陳邦紀字漢星浙江永嘉人由拔貢任知縣性嚴正清
若秋水任三年無敢以苞苴入者捕逃人有法民多賴
之遇寇變卒於官
劉之鵬順天香河人順治十六年由官生任府通判明
年署縣事時前令陳邦紀遇寇變兵備海防道崔起鵬

舊與五蓮山富僧有隙欲借此殺之遂倡言民變知府某據以上按察司縣禍且不測民大恐皆逃竄山谷聞之鵬奮然曰吾豈以民命媚上官哉申文力辯謂陳令夤夜被殺必賊傷非民變且以緝賊爲已任後果獲賊民獲安堵以失上官意罷職卒於縣縣人葬之望仙鄉涓水涯稱曰劉公墓

程甲化字碧洲福建莆田人由進士任知縣言笑不苟爲政持大體以憂去
孫文繡浙江山陰人任典史勤敏善捕盜康熙九年大治河徵夫及山東時沴寒畚鍤不任用他縣夫多逃去

文繡以身率先與之同甘苦八閱月工竣總河羅具疏
優獎

卞穎字慧生江南江都人由舉人任知縣和易親民勞
心撫字縣志自王之臣後七十年未有繼修者穎於兵
燹餘罔羅放失參以傳聞續前志爲若干卷

孫祚昌順天大興人由進士任知縣縣承明季正供外
多誅求祚昌一切裁之聽斷明決奸吏歛跡巨室請託
悉格不行亦不爲上官所牽制蒞任八年政簡刑清民
皆樂業以治行高等行取去縣人立遺愛碑於儀門下
馬翀字倬園浙江富陽人由進士任知縣時賦役不均

豪家地浮於稅寒族稅浮於地狎令自首設法抽勘賦役乃均月三課諸生親爲指授文風日上康熙七年地震城圯歷二十餘年議修不果狎擇日鳩工荷鍤來者日數萬人始二十九年八月初旬至九月末旬工竣觀者驚爲神助以行取去

高曰恭字作肅膠州人康熙二十九年由舉人任教諭有文名工詩善書畫諸生皆喜得師奔走門牆曰恭與之討論風雅指授不倦三年以憂歸

徐文煜福建建陽人由舉人任知縣縣鹽法舊報富戶充商地近海灘居民多與竈戶私易商不能禁恤商則

枕鋤午睡呼起訊問皆僱工儉閒者志曾曰若輩游手不自力田今取人值食人粟玩愒如此良心何在人子杖二十自是田工倍勤春日貧民有負稅畸零者志曾惻然曰農事方亟又以催科擾之秋成何望乃捐俸代輸民不見吏久之乃知後每春皆然民歡呼如雷任二年調繁滕縣

牛思凝字裕川直隸靜海人由進士任肥城調繁來縣先是乾隆十一年十二年連歲大祲十三年夏思凝甫下車飛蝗自東北來蔽天日勢不可捕思凝虔禱劉將軍廟蝗盡西南去無留者無賴子多乘饑後擾鄉里悉

治以法不少貸豪強屏息思凝寬嚴交濟撫綏二年所
縣始稍蘇又喜詩書擇縣中英俊講學課藝孜孜不倦
掇巍科者接踵以卓異擢正安州知州

李瀚字瀾文奉天鑲黃旗人由舉人任榮城知縣調諸
城性峻直每以不侮鰥寡不畏彊禦自銘莅事勤敏乾
隆十七年夏旱瀚齋戒禱雨雩泉徒步行烈日中三十
里次日時雨霑足十八年初秋大風雨損禾瀚冒雨免
冠走諸祠廟號泣爲民請命其夜果霽縣自十二年大
饑後低田皆蕪人畏伏雨不敢墾瀚於黃壇泰哥莊逢
哥莊泊裏諸地來往相度乘農隙開溝洩水患乃息任

六年以卓異遷膠州知州

張師赤字豫川河南儀封人由進士任新泰卓異調繁
來縣性慈祥和易近人縣中賦稅上中下三等戶書作
奸有釐攤毫洒之弊以剝民膏師赤據戶部定則按地
清之積弊永革一縣歡呼新超然臺親課諸生其中夏
旱禱雨迭應乾隆二十四年蝗生縣東南境師赤祭之
蝗投海死人咸謂誠心所感云二十五年縣人捐修城
隍師赤晝夜督理工未竣疲勞致疾歸

宮懋讓字杜州江南泰州人由副貢以知州借補來縣
懋讓筮仕東省歷二十年老成練達政簡刑清修公治

子祠建常山蘓文忠公廟修學宮內文昌閣並建教職
二署纂邑乘搜逸表微心力皆殫又以縣俗喪葬奢靡
作大事約爲教人漸化之乾隆二十九年春題補濱州
縣人方恨其去旋以病未赴新任卒於縣館

宦蹟錄下第二

列傳第一

諸城縣志二十九

志與史同也亦異也揚往蹟以勵將來同也史編天下之大志錄一邑之小采擇若有所逸數傳而後雖居同里閭之人欲訪其遺事而不可得烏貴其有志哉予廣搜博覽自周漢至宋金爲第一卷自明初臧哲至

國朝李廷瑗爲第二卷邱氏臧氏丁氏爲第三卷諸王氏合爲第四卷李氏劉氏孫氏爲第五卷鄭瑜至李宜蕃爲第六卷此六卷者皆傳仕宦也七卷以下乃分儒林文苑武功忠烈孝義一行隱逸方伎僑寓而以列女終焉在朝在野以言以行凡有可采無不收之簡冊庶

言城縣志卷二十九
無遺憾矣乎作列傳

公冶長字子長孔子弟子史記云齊人家語云魯人名
萇字子芝其墓在今縣境唐開元十七年贈莒伯宋大
中祥符二年封高密侯孔子弟子又有顏之僕冉季者
之僕唐封東武伯季宋封諸城侯皆魯人

諸葛豐字少季漢元帝時人性剛直不可屈以明經爲
郡文學御史大夫貢禹除爲屬舉侍御史擢司隸校尉
刺舉無所避京師爲之語曰閒何闊逢諸葛上嘉其節
加秩光祿大夫時侍中許章以外屬貴幸奢淫不奉法
度賓客犯事與章相連豐案劾章欲奏其事適逢章私

出豐駐車舉節詔章曰下欲收之章迫窘馳車去豐追之章入宮門乞哀於是收豐節豐上書謝曰臣豐驚怯文不足以勸善武不足以執邪陛下不量臣能否拜爲司隸校尉官尊責重非所當處常恐年歲衰暮卒填溝渠無以報厚德故願捐一旦之命不待時而斷姦臣之首縣於都市編書其罪使四方明知爲惡之罰然後卻就斧鉞之誅誠臣所甘心也夫以布衣之士尚猶有刎頸之交今以四海之大曾無仗節死誼之臣率盡苟合取容阿黨相爲念私門之利忘國家之政邪穢濁溷之氛上感於天是以災變數見百姓困乏此臣下不忠之

效也臣誠恥之今陛下天覆地載物無不容可使尚書
令賜臣書曰夫司隸者刺舉不法善善惡惡非得顓之
也臣豐頓首幸甚上不許是後所言益不用豐復上書
言益激切後以春夏繫治人在位多言其短徙爲城門
校尉豐上書告光祿勳周堪光祿大夫周猛上不直豐
詔免爲庶人終於家豐之後亮瑾至三國時大顯按瑾
傳裴松之注引吳書曰其先葛氏本琅邪諸縣人後徙
陽都陽都先有姓葛者時人謂之諸葛因以爲氏豐傳
但云琅邪人而已姓諸葛豈其始徙者歟若瑾以後雖
多偉人皆歸陽都云

伏湛字惠公漢光武時人伏生九世孫也其高祖儒武帝時客授東武因家焉父理見儒林傳湛性孝友少傳父業明齊詩教授數百人成帝時以父任爲博士弟子五遷至王莽時爲繡衣執法使督大姦遷後隊屬正更始立以爲平原太守時倉卒兵起天下驚擾而湛獨晏然教授不廢謂妻子曰一穀不登國君徹膳今民皆饑奈何獨飽乃共食麤糲悉分奉祿以賑鄉里來客者百餘家時門下督素有氣力謀欲爲湛起兵湛恐其惑衆收斬之狗首城郭以示百姓於是吏人信向郡內以安光武卽位徵拜尚書使典定舊制時大司徒鄧禹西征

關中帝以湛才任宰相拜爲司直行大司徒事車駕每
出征伐常留鎮守總攝羣司建武三年遂代鄧禹爲大
司徒封陽都侯時彭寵反於漁陽帝欲自征之湛上疏
諫其畧曰陛下承大亂之極受命而帝興明祖宗出入
四年而滅檀鄉制五校降銅馬破赤眉誅鄧奉之屬不
爲無功今京師空匱資用不足未能服近而先事邊外
且漁陽之地逼接北狄黠虜困迫必求其助又今所過
縣邑尤爲困乏種麥之家多在城郭聞官兵將至當已
收之矣大軍遠涉二千餘里士馬罷勞轉糧艱阻今竟
豫青冀中國之都而寇賊從橫未及從化漁陽以東本

備邊塞地接外虜貢稅微薄安平之時尚資內郡況今
荒耗豈足先圖而陛下捨近務遠棄易求難四方疑怪
百姓怨懼誠臣之所惑也願陛下顧問有司使極愚誠
采其所長擇之聖慮以中土爲憂念帝覽其奏竟不親
征時賊徐異卿等萬餘人據富平連攻之不下唯云願
降司徒伏公帝知湛爲青徐所信向遣到平原異卿等
卽日歸降護送洛陽湛雖在造次必重文德以爲禮樂
政化之首是歲奏行鄉飲酒禮遂施行之其冬車駕征
張步留湛居守時烝祭高廟而河南尹司隸校尉於廟
中爭論湛不舉奏坐策免六年徙封不其侯邑三千六

百戶遣就國後南陽太守杜詩上疏薦湛經明行修通達國政宜侍左右十三年夏徵勅尚書擇拜吏日未及就位因譙見中暑病卒賜祕器帝親弔祠遣使者送喪修冢二子隆翕隆見忠烈傳翕嗣爵卒子光嗣光卒子晨嗣晨尚高平公主謙敬博愛好學尤篤以女孫爲順帝貴人奉朝請位特進卒子無忌嗣亦傳家學順帝時爲侍中屯騎校尉語在文苑傳無忌卒子質嗣官至大司農質卒子完嗣尚桓帝女陽安長公主女爲孝獻皇后見列女傳曹操弑后滅伏氏國除初自伏生已後世傳經學清靜無競故東州號爲伏不鬪云

蘇禹珪五代時人漢高帝時由觀察推官擢中書侍郎
同中書門下平章事與蘇逢吉并相除吏多違舊制謗
者譴譁然高祖方倚信之莫有敢言者隱帝立賜玉帶
加左僕射封莒國公及楊邠相禹珪失權惟備位而已
周兵入京師禹珪與竇貞固勸進復爲相廣順元年罷
子德祥宋建隆四年進士第一人初還鄉里太守爲置
宴作樂伶人致語曰昔年隨侍嘗爲宰相郎君今日登
科又是狀元先輩時人榮之太平興國中知歙州軍州
事

齊得一宋初人幼嗜學及長能讀五經善於教授鄉里

士大夫子弟多就之肄業焉晉末皇甫暉爲密州防禦
使得一父爲客將及暉叛歸淮南屢率衆剽劫故郡民
之牛羊犬豕悉取以犒士卒得一家被畧殆盡後王萬
敢爲防禦使性貪暴執鄉民十八家責其嘗以牛酒餽
暉盡殺之而取其資產得一親屬死者十餘人唯得一
與兄脫身獲免明年詣闕上訴朝廷遣使按鞫之得實
萬敢削官判官胡轍坐死得一乃歸鄉里布衣蔬食不
樂仕進開寶中詔郡國舉廉退孝悌之士本郡以得一
應詔至闕策試中選授章邱主簿

朱壽隆字仲山宋仁宗時人以蔭知九隴縣吏告民一

家七人以火死壽隆曰寧有盡室就焚無一脫者始必
有姦逾月獲盜果殺其人而縱火也知宿州宿多劇盜
至白晝剽攻郡縣不能制壽隆設方畧捕斬千餘人擢
提點廣西刑獄嶺外新經儂智高之變修營城障貴州
守虐用其民民不能堪壽隆馳詣州械守送獄奏黜之
老稚婦女遭亂流轉不能自還者檄所在資送時溪蠻
侵暴舊制雖殺人無得讐報壽隆請聽相償蠻始畏戢
歷鹽鐵度支判官夔路轉運使巴峽地隘民困於役免
其不應法者千五百人復爲鹽鐵判官京東轉運使賜
三品服歲惡民外移壽隆諭大姓富室畜爲田僕舉貸

立息官爲置籍索之貧富交利以少府監知揚州卒年六十八壽隆爲人和厚接談怡怡必當於理而不屈於權貴狄青討儂寇時欲殺裨將不用命者數人壽隆極論罪不當死青感其言而止

趙杲卿字明叔宋神宗時人鄉貢進士有行義蘇軾知密州杲卿爲教授相友善杲卿家貧好飲不擇酒而醉嘗云薄薄酒勝茶湯醜醜婦勝空房軾因廣之作樂府同時喬敘字禹功亦交於軾軾初至卽與唱和軾詩云喬侯瑚璉質清廟嘗薦盟奮髯百吏走坐變齊俗緩未遭甘鷄退並進恥魚貫或因謂敘先軾知密州然軾皆

稱以太博不曰密州且詩有云胡爲守故邱眷戀桑榆
援又云他年萬騎歸應好奈有移文在故邱則其爲州
人無疑矣敘曾爲太常博士軾詩奉常客卿虬兩須也
熙寧九年以太博換左藏知欽州軾招之飲敘將行烹
鵝鹿出刀劍以飲客旋除知施州皆見軾詩元豐八年
軾重過密州則有詩云先生依舊廣文貧老守時遭醉
尉嗔蓋果卿仍爲教授而敘復罷官家居也又軾謝田
賀二生獻花詩城裏田員外城西賀秀才亦宜皆州人
趙挺之字正夫宋徽宗時人進士上第熙寧建學選教
授登棣二州通判德州哲宗卽位賜士卒緡錢郡守貪

毫不時給卒怒持挺突入府守趨避左右盡走挺之坐堂上呼問狀立發庫錢而治其爲首者衆卽定魏境河屢決議者欲徙宗城縣轉運使檄挺之往視挺之云縣踞高原千歲矣水未嘗犯今所遷不如舊必爲民害使者卒徙之財二年河果壞新城漂居民畧盡召試館職爲祕閣校理遷監察御史初挺之在德州希意行市易法黃庭堅監德安鎮謂鎮小民貧不堪誅求及召試蘇軾曰挺之聚斂小人學行無取豈堪此選至是劾奏軾草麻有云民亦勞止以爲誹謗先帝旣而坐不論蔡確通判徐州俄知楚州入爲國子司業歷太常少卿權吏

部侍郎除中書舍人給事中使遼遼主嘗有疾不親
使近臣卽館享客比歲享乃在客省與諸國等挺之始
爭正其禮徽宗立爲禮部侍郎哲宗祔廟議遷宣祖挺
之言上於哲宗兄弟同一世宣祖未當遷從之拜御史
中丞爲欽聖后陵儀仗使曾布以使事聯職知禁中密
指諭使建議紹述於是挺之排擊元祐諸人不遺力由
吏部尚書拜右丞進左丞中書門下侍郎時蔡京獨相
帝謀置右輔京力薦挺之遂拜尚書右僕射旣相與京
爭權屢陳其姦惡且請去位避之以觀文殿大學士中
太一宮使留京師乞歸青州將入辭會彗星見帝默思

咎徵盡除京諸蠹法罷京召見挺之曰京所爲一如卿
言加挺之特進仍爲右僕射京在崇寧初首興邊事用
兵連年不息帝臨朝語大臣曰朝廷不可與四夷生隙
隙一開禍拏不解兵民肝腦塗地豈人主愛民恤物意
哉挺之退謂同列曰上志在息兵吾曹所宜將順已而
京復相挺之仍以大學士使佑神觀未幾卒年六十八
贈司徒謚清憲子明誠見文苑傳

劉公彥字彥輔宋高宗時人紹興中通判鎮江時倉廩
空虛軍無見糧公彥進足食足兵之計大帥劉光世卽
檄公彥權府事調度有方軍民安輯見江南通志

鄒谷字應仲金世宗時人中大定十三年進士累官瀋王府文學尚書省奏擬大理司直上曰司直爭論情法折正疑難谷非所長也宰臣曰谷有吏才陝西河南訪察及定課皆稱職上以谷爲同知曹州軍州事召爲刑部主事轉北京臨潢提刑判官入爲大理寺丞左司都事李炳乘醉詈令史周昂或劾之下大理寺議以谷言得置輕典歷濟南彰德府治中吏部郎中河東按察副使沂州防禦使進定海泰寧軍節度使泰和六年致仕貞祐初卒

殲傳第一

野代世出禦封茲安城秦寧軍前對秦味六平延升
具置典烈衛前領縣城中吏將領中西東對秦幅
事卒西乘輜晉令史國早延陵之不天野籍以谷首
臨主事鄭北京調露封縣縣官人爲大縣遠近五所
寒天室縣昔縣鄉土以谷爲同取曹氏軍戰事谷爲縣
洪五張縣谷共祖封少率引曰谷許史本列西城南
王孫文舉前昔谷秦縣大縣河南上曰曰年餘計
增谷卒願中合也宗鄉人中火銀十三平張士累官

列傳第二

諸城縣志三十

臧哲洪武初以儒士舉爲本縣訓導徵授禮部主事轉兵馬司指揮發奸摘伏不避權豪上嘉之賜白金二錠馬一匹擢刑部員外郎累陞四川左參政廣西布政使所至以廉介稱母憂家居洪武十一年十二月賜米鈔救曰卿曩職桂林歲月未久雖有酒失而廉介自持邇以母憂去職守服至今朕嘗軫念特遣人賜卿米六十石鈔二十五錠以給所乏卿當恪恭已孝服闋來朝其圖至治事見明太祖實錄其晚節無考哲之後世居只溝邨曰只溝臧氏

孫浩洪武中太學生以薦授廣西參議降姚州知州累
陞江西參政廣東布政使政績著聞子蕃永樂二十一
年舉人署汝陽訓導持身謹飭教士無倦色擢陝西道
監察御史卒於官

孫企賢洪武十五年以人材薦辟授林縣知縣剛介有
爲吏民畏服建文二年以誣逮罷歸田里永樂二年上
察知其賢行取赴京師自陳衰老不願仕賜宴以舊官
致仕

張伯裕洪武閒舉賢良方正授潼關知縣以鯁直不阿
謫安順州吏目因家焉見貴州通志名宦傳

焦瑾字良玉幼聰敏力學器識過人父汝霖永樂初以人材徵至京師思親成疾瑾方弱冠卽慨然陳情乞以身代上矜其孝行允汝霖還里明年授瑾濬縣稅課大使通商利民上官賢之委署縣事甚得民心秩滿濬人相率詣闕保陞濬縣知縣措置有方豪猾斂跡六年丁外艱服除補長洲又二年丁內艱後補贊皇通九年考滿濬與贊皇之民上書爭留上方以黃巖難治求賢牧得瑾甚喜特予六品俸俾知黃巖瑾惟以德禮化人境內翕然有麥秀兩岐孕生三男虎不入境之異景泰五年休致黃岩之民思不能釋乃肖像賦詩羣至其家問

安否逾年卒同時又有徐英高秀者英由吏員授刑部
江西司員外郎改浙江司執法不撓秀由人材薦辟授
山西按察司副使降順德府同知所至有聲

劉義字循道正統六年舉鄉試景泰元年授句容丞夫
順初巡撫尚書李旻疏奏其績陞句容知縣撫字勤勞
倍於前時除奸息訟設社養老治民婚喪以禁奢侈民
皆化之及致仕歸百姓送者遮道肖其像與晉賢令劉
超同祠祀之大學士李賢爲撰德政頌刻於祠優游林
泉二十餘年後學奉爲典刑

萬貴明憲宗萬貴妃父也初爲縣吏配徙霸州生妃四

歲入掖庭後妃專寵貴歷官錦衣衛指揮使性謹飭每受賜輒憂形於色曰吾起掾史編尺伍蒙天子恩備戚屬子姓皆得官福過災生未知所終矣貴子喜爲指揮使與弟通達等並驕橫貴每見諸子屑越賜物輒戒曰官所賜皆著籍他日復宣索汝曹將重得罪諸子笑以爲迂成化十年卒賻贈祭葬有加十四年進喜指揮同知通指揮使達指揮僉事通死帝眷萬氏不已遷喜都督同知通庶子方二歲養子方四歲俱授官帝崩言官劾其罪狀孝宗乃奪喜等官而盡追封誥及內帑賜物如貴言

張讓字克讓少孤貧甚與兄恭相依勵志向學書過目輒不忘正德八年舉於鄉登嘉靖二年進士授滎澤知縣以才調杞縣再調滎河擢南京太僕寺丞丁內艱歸猶布衣徒步里巷閒起復補北太僕寺丞讓有志行不可少屈惡奔競之習故以甲科滯下僚二十餘年恬不爲意惟以無嗣爲憂晚得一子不育遂於官舍自經死人甚惜之

焦學范萬歷閒歲貢授承天府通判駐沙洋士民爲立惠政碑稱獲奸盜徵逋賦繕頽城修楚澤諸所措施一主於廉平寬恤復刻其善政十二事於碑左方終魯府

右長史

陳良相字符夢其先益都人元中統閒有官密州學正者因家焉學正從孫紀景泰閒歲貢官陝西中屯衛經歷工書性剛方不可屈以權勢鄉人重之卽良相曾祖也良相嘉靖十五年選貢制行端謹城西某生者大猾也諸豪富多趨之良相不與交生嫌之謂曰吾家有事而子不來何耶良相笑曰俟吾有事而子亦不至斯兩直矣謁選乞就閒散授衛輝府知事期年題詩署壁拂衣歸教子孫爲有用之學卒年五十六子燭燭字光宇爲諸生有志行嘉靖三十一年赴鄉試知縣

楊繼盛張筵餞送於稠衆中深器之四十年舉進士授
工部虞衡司主事權浙江南關商稅力除夙弊歷屯田
司進員外郎中奉使督修永陵以勞績著擢正定知府
被劾降同州知州遷南刑部郎中出爲延安知府陝西
巡撫曹疏薦之稱爲三邊不羣之才諸郡循良之最陞
延寧兵備副使悉力飭邊政捕妖僧法曉巨盜劉江等
皆寘之法數百里倚爲長城璽書褒嘉年七十致仕去
官軍民爲繪巡邊圖以獻備極工緻又立碑頌德政時
萬歷二十七年八月也歸與縣人侯廷柱丁惟寧臧惟
一張世則輩日吟嘯超然臺上作西社八友歌皆當時

所同遊者燭疇問學尤留心鄉國軼事三十一年知縣王之臣聘葭縣志撫拾甚富後志稱其考據該博不藉衆手子塋由歲貢授三原縣丞告歸值歲大祲煮粥活饑者甚衆弟堡死析產給其子家茲力教誨之得領鄉薦

侯廷柱字子任其祖某居城南門內以賣漿爲業歲暮買薪滿室夕歸一偷兒伏薪中乃呼婦具晚餐出偷兒共啖之所積錢千悉付之偷兒惶懼不受某曰以此權子母可乎吾所以相屈至昏黑者待街衢人靜耳父璧終渾源知州廷柱爲人樂易循循有矩度登嘉靖二十

五年進士授襄陵知縣有賢聲擢戶科給事中轉刑科
時刑部尚書馮天馭負虛望與大學士徐階相厚善廷
柱抗疏論之得旨不下部議徑免天馭官四十年六月
事也階大恚嗾銓司出之爲南陽知府未赴值京察遂
褫職廷柱歎曰窮通命也忌我者何能爲於是優游結
朋儔陶情觴咏以自老年六十四卒

譚章字德輝嘉靖閒歲貢授洛川知縣勸民務本息訟
期月民化之調甘泉與洛接壤洛民多歸之者歲稔賦
多逋欠或謂之曰君催科政拙於官不利奈何章曰吾
性固慈若鞭撻黎民以利吾官吾不忍也已而果改教

職卽促裝歸與儕輩結九老會章時年八十五爲九老
之首次范紹年八十三次竇昂年八十二次陶成常雲
年皆七十三次臧節年七十次丁純年六十八次侯廷
相年六十五次劉士則年六十二紹字汝繼由歲貢爲
元氏知縣撫民以寬民愛之南京吏部尚書邱樞幼時
有異質紹一見而奇之卽字以女人稱其識鑒成字汝
器援例河間主簿以清謹著兩領邊餉上官慰勞之陞
韓王府奉祀以老不赴雲字友龍有詩名由歲貢爲寶
應訓導善教士類陞晉王府教授謝病歸廷相字子忠
廷柱兄也援例汲縣丞汲相繼缺令廷相視篆二年餘

言坊集卷三十一
綽有能聲陞霸州判官逾年歸士則字伯貽義曾孫也
深於易學工書法由歲貢歷太原故城訓導昂子欽嘗
作九老圖各綴其行事知縣王三錫爲繪像勒石焉今
寫本猶存故得而撫之昂節純自有傳

竇昂字時舉性剛毅不妄交遊人有過輒而正之好經
學尤邃於易由歲貢授冀州訓導擇俊士數十人置官
舍日督課之無少倦遷開平衛教授致仕家居近二十
年預九老會會中有欲呼妓佐酒者昂艷然曰吾輩忝
在士夫列當正身教家此屬賤人一入門則家範埽地
矣吾何以訓阿欽耶欽者其仲子也昂持身嚴正類如

此卒年八十二從弟誠亦歲貢家貧力學冬夜嘗乏薪
油而讀書不輟未仕卒五世族孫根見孝義傳棟見武功傳
欽字子敬隆慶三年恩貢萬歷三年授武陟知縣廉謹
多惠政釐奸剔蠹無所假縣有大猾恐加譴流言誣欽
爲羅織者所采遂註吏議改代王府教授因謝病歸士
民乞留不獲聚醵城隍廟中會巡按御史慮囚有囚史
大寶者慷慨明欽無罪不當去御史不爲理遂引繩自
盡去之日祖餞塞道爲繪像作瞻拜圖明年更爲立生
祠自唐以後守令有祠在武陟者惟李育德張寬王璽
譚魯任芹及欽六人其五人各以一事稱最而欽專意

用儒術長育百姓祠碑備載政蹟其畧曰武陟懷慶之劇邑也爲吏者患其强悍難治爭爲深文峻法以繩督之人遂以爲武陟非深刻不能治公獨先教化而後誅罰方下車卽捐俸金修學校演祖宗之訓申以六行圖說褒崇節義以厚風俗墾荒田數百頃撫逃移數百戶審平徭役釐定里甲大約以平易豈弟與民休息故旣去而愈思慕之其後諸生多肄業祠中若義學然歷久不廢子如洙字樂源淹通經史由歲貢授江西安福訓導以善教稱秩滿歸多士繪春風圖以送之卒年八十七如洙子贊機字元輔諸生孝行聞於族黨卒年四十

贊機子長琰

長琰字石卿亦諸生父早卒事祖甚謹夜侍寢祖榻側
木凳上不歸私室者十年或諷以奴婢可代母太自苦
長琰曰奴輩何足恃倘老人中夜呼不時至恐吾父不
瞑曰地下也兄有心疾蕩家產且盡長琰處之怡然更
分已產與之性嗜學扃戶讀書經歲不出著有詩詞同
時李澄中稱其登山谷淮海堂奧卒年四十曾孫惟經
字大理歲貢性篤實無所苟嘗設帳縣署縣人無敢以
私相託者三舉優行皆協衆議乾隆二十七年冬預修
縣志考證建置古蹟晝夜繙書不少懈一夕病卒年五

十七

張世則字準齋其先郟城人父敏字伯勳少孤力田奉母性醇良里社利其易凌屢肆苛索敏不能堪遷居其祖墓側而苛索者如故母沒乃攜家至縣東墨水上居焉世則生有異姿年十五始就外傳隆慶元年舉於鄉登萬歷二年進士授寶坻知縣調繁密雲歷五年多異績行取吏科給事中劾陝西巡撫某貪婪狀人快之出爲河南僉事劾吏部尚書王國光鬻官贖貨國光奏辨帝謂世則挾私貶儀徵丞稍遷處州通判擢戶部司倉主事歷禮部主客司郎中爲權貴所抑者十年十七年

陞四川安綿兵備僉事專施恩信於是白草諸番獻地
投款願隸石泉縣版籍受廛爲氓時巡撫方欲挑釁藉
以立功邀寵與世則不協二十一年轉平涼苑馬寺卿
二十二年以齋表入賀途中陞江西湖東道參政一知
縣與直指爲同鄉相結納世則以其溺職策勵之忤直
指遂致政歸世則淹博有文辭備兵安綿時地簡無事
繕城詰戎之外日以著述爲事纂貂璫史鑑大學初義
二書上之大學初義一遵古本與程朱章句頗有異同
將頒行天下無錫高攀龍時爲行人上疏力詆乃止歸
田後更著治平要覽未竟而卒

馬孔昭字聞遠丰姿秀雅廉潔有守萬歷十三年舉於鄉有持金請託者笑而麾之曰子欲以阿堵點吾清白乎知縣顏悅道臨行踵其門曰吾爲吏五載未見君爲人投一刺授猗氏知縣陝西某被人誣控爲盜孔昭知其冤釋之後真盜獲某自陝西畫圖頂香來謝曰小人不死公之賜也願世世尸祝公縣久闕志乘捐俸葺之不費民間一錢在猗氏四年去官時一二笥皆文史圖書而已陞蔚州知州南門邊貨駢集無部使者權稅惟知州攝其事舊例借名公費利多入官孔昭悉革去卽以常祿爲公費人稱其廉

隋所居字奉素其先自萊陽遷居縣之福勝里父光
字子周諸生有隱德所居登萬歷三十五年進士授
書舍人地清華無鞅掌日討論諸司故實兩使督餉
西所至杜餽遺歸橐蕭然丁內外艱起補原官四十四
年擢四川道監察御史四十七年以病歸未竟其用所
居性篤厚田宅盡與諸弟爲子珠聘於周而女痿癈周
求解婚所居不許第以娶瞽之誼誨珠竟成禮家居十
年卒年六十九子琳

琳字憲初順治二年歲貢授襄陽推官數出奇敗寇鄖
西遷辰州同知撫永順土官功最鉅先是土官彭氏世

爲永順宣慰司明季屢檄其兵備海寇頗桀敖

國初大兵屯長沙彭以五酋長備保靖願助兵一隊巡撫許之琳抗聲曰南服弗靖會旦夕定耳奈何借么麼爲聲援令夜郎有輕漢心乎彭懼塹山谷自絕琳遺書諭利害詞甚嚴正彭愧服匍匐詣轅門願納地自贖事乃定後卒於官孫廣義字五一歲貢性謹慤殫心制義後學多師法焉乾隆十四年授商河訓導教諸生爲實學俸滿歸里二十年舉鄉飲介賓年九十二卒先廣義舉介賓者又有邱玕常邱濰遠二人皆諸生康熙閒人劉元化字季雅萬歷三十七年舉於鄉授高陵知縣爲

治務持大體好教化孔廟中壇墮例取諸女問元化曰
是辱泮宮也革之旌善申明之制有司久視爲故事元
化別起善惡兩坊分別吏民淑慝揭名楣閒月朔更集
其人於庭親自飭厲有嫗訟其子不孝者坐嫗於門令
隸卒荷刑杖隨之其撈掠之輕重多寡一如嫗意子向
母乞哀母亦感悔皆涕泣拜堂下其子卒勉於孝調洛
川值歲大祲饑民多棄嬰兒於路元化令人收養日給
粟米初以不能媚知府爲所齟齬嘗賦逐鹿行以見志
知府中以考功法罷歸元化性嗜酒善草書旣歸日與
邨農酣飲資盡斫園中竹以易酒而竹愈茂家居二十

餘年年七十四卒卒之夕竹盡死子翼明見文苑傳

陳其猷字輝前萬歷四十三年舉於鄉明年二月會試入都時山東大饑乃繪饑民圖伏闕上疏其畧曰東省饑荒已經諸臣極口敷陳蒙皇上捐金普振何煩草茅微賤踵塵拾唾縷瀆宸聰然諸臣前日所奏第得之申報得之風聞而臣實目所親見身所親嘗者也皇上前日所閱第遙憶之景象口說之情形而臣之所繪實移流亡於堂上指疾痛於掌中者也謹具圖二十聊寫萬一臣嘗往稽載籍寧詎無數百里之蝗二三年之旱然夷考當時所稱不過流離載道死傷蔽野易子析骨十

室九空止矣從未有白晝剝割母子殘食平邨落爲壘
塊販子女如牛羊滄桑大變如今日者蓋齊魯之民蓄
積不預一年之豐則稱飽一年之歉則稱饑齊魯之地
瘠鹵相參十日之雨則病水十日之暘則病旱前年自
夏逾秋靈霖不歇田廬禾菽盡沒水濱彼時大麥小麥
布種者不十之二三由是公儲私儲耗散者已十之八
九枵腹望歲甚於平時懸釜待炊急救一飽不意大浸
之後轉作驕陽自前年九月不雨直至逾年十月所種
三分之麥不得一分而春來百穀之播未收一粒加以
蝗蝻之起平地尺餘遂使田苗園蔬野草蕩然不剩根

芽嗚呼災外加災歲復一歲奈之何民不窮且盜死且
相食有如圖之所繪者乎向以府縣申求撫按題請業
發振施粥所在有司皆日擊瘡痍誰忍不實心舉行且
如本縣良牧心血幾枯顛毛頓白其如杯勺之難救療
原何也今蒙皇上發金二三十萬沛然大振且諭急往
以慰東人之望恩極高厚德速置郵只此一念舉山東
已逃未逃將死未死之生靈已洋洋爲橋上蟻而奉使
憲臣又欲單車裹糧舍郊行振固已剝極轉陽和之脈
矣獨是在籍之丁死逃者已十之七徵糧之地承佃者
不十之三故佃三畝者恐難包十畝之稅充一丁者恐

難賠四丁之徭況三畝之牛種來已無從一丁之朝夕
猶然未保勢不至屑齒俱亡皮毛俱盡不止爲是酸心
刺腹鬱抱杞憂忘其分屬草莽輒敢妄叩鞞鐸謹具目
所及見揮淚寫圖仰希聖盼賜免徭糧卽諭出振之臣
昭揭天恩明示百姓仍令有司遠招流亡俾赴原業庶
使未逃者安心守土已逃者聞風回籍然後徐議生聚
休養以還元氣則不至藉振濟爲流竄之資矣臣佃地
不過三頃負租不過四金而一門數丁俱在優免蠢蠢
此心一無所爲祇以去歲濫叨鄉薦幸得坊金苟糊八
口俾臣之衰母諸兄弟不填溝壑是舉家毛骨血肉盡

戴皇恩卽捐身報國亦所甘心謹披瀝以獻又所繪饑民圖各綴以五言絕句且爲之序跋其序畧云臣自正月離家北上出境行二十里見道旁刮人肉者如屠猪狗不少避人人視之亦不爲怪於是毛骨慄慄又行半日見老嫗持一死兒且烹且哭因問曰旣欲食之何必哭嫗曰此吾兒棄之且爲人食故寧自充腹耳臣因此數日飲食不能甘此時苟有濟於死亡直不惜頂踵矣乃入京之初惡狀猶橫胸臆間越二三日朋儔相聚杯酌歡呼前事若憶若忘旣而聲歌誘耳繁華奪目昨日之痛心酸鼻者竟漠然不相關矣嗚呼臣饑人也饑之

情饑之味皆其習見而親嘗者猶且以漸遠漸隔而忘之乃欲九天之上萬里之遙以從來未見之情形冀其不告而知無因而痛不其難乎然皇仁天覆聖德時行有如今之發金大振卽親覩流亡何以踰此夫不見尚且如此倘一見之安知不投珠抵璧焚錦卻貢撤瓊林大盈以惠哺元元乎臣願陛下手披此圖卽不啻目見之矣其圖詩知縣馬斯作曾爲付梓今猶有留傳者按明史是年蠲振有差或曰卽因其猷請也其猷只溝社人未仕卒

李廉仲字墨源世居古城崇正六年鄉試第二十年成

進士十一年授任邱知縣制行清潔民多賴之是年冬大兵至城陷廉仲及父士驥母張弟乾生子廷魁皆遇害後志云廉仲身冒矢石死於城下上官爲申請題奏蒙允褒獎未果而明史忠義傳載白慧元爲任邱知縣崇正九年以守城功行取會與大閹有隙撫其罪於帝逮治之未行

大兵已抵城下乃與代者李廉仲共守無何廉仲縋城遁與後志異兄冲斗聞變徒行千餘里覓其尸於南城壕水中得之胸背數處皆帶矢乃斂而歸冲斗曾拜疏請卹王鴻緒明史藁作廉仲弟芳仲所載亦與後志異

冲斗從弟**謝斗**見一行傳子廷瑗

廷瑗字玉林康熙十七年舉於鄉時母楊年七十餘廷瑗性孝一試禮部不復往惟日承歡膝下以爲常母憂服除年逾六十謁選授臨汾知縣俗疲悍多逋賦廷瑗力剔其弊不數月民爭輸巡撫噶聞其廉明欲薦之旋以疾歸卒年七十五

列傳第二

陳壽

魏書

魏書卷之六十五

魏書卷之六十五

魏書卷之六十五

魏書卷之六十五

魏書卷之六十五

列傳第三

諸城縣志三十一

邱瞬字懋實其先壽光人始祖彥成遷居縣之柴溝傳
五世至瞬貧甚年十歲冬日早起入城門未啟負芻者
熱薪衆圍向瞬獨否薪者曰童子足不寒耶曰固寒也
誰使之爲足乎稍長負笈就師友學遂成嘉靖二十二
年舉鄉試第二二十九年成進士授行人遣封慶藩卻
金幣擢刑科給事中三十四年倭寇逼南京兵部尚書
張時徹等閉門不敢出寇去御史劾之時徹亦上其事
詞多隱護瞬劾其欺罔時徹及侍郎陳洙皆罷時帝久
不視朝嚴嵩專國柄瞬言權臣不宜獨任朝綱不宜久

弛嵩深憾之轉戶科劾山西巡撫楊宗氣巡按楊儲大計曲庇屬員復上疏言今日士風大壞者有六曰諂卑曰奢靡曰請託曰躁競曰干謁曰賄賂詞甚激切已劾嵩黨寧夏巡撫謝淮應天府尹孟淮貪黷謝淮坐免是年嵩敗檄劾由嵩進者順天巡撫徐紳等五人帝爲黜其三遷兵科都給事中選大漢將軍程材力辨體貌一屏權閹屬託湖廣巡撫方廉甫視事賄臺省臣各五金櫛不受劾罷之又劾南京兵部尚書李遂鎮守兩廣平江伯陳王謨錦衣指揮魏大經皆以賄進王謨革任大經下吏浙江總兵官盧鏜素貪暴託疾請老帝許之櫛

發其八罪褫職四十二年寇犯通州總督楊選被逮寇
退檣偕其僚陳善後策帝以不早劾選杖六十斥爲民
檣歸敝衣一篋圖書一肩而已穆宗在潛邸聞而重之
曰邱給事幸無死哉隆慶二年起任禮科未至陞南京
常少卿進大理少卿以喪子致疾免歸神宗立言官
交薦張居正惡之不召萬歷十一年起右通政未赴陞
左副都御史以一柴車就道旣入朝陳吏治積弊八事
其畧曰臣叨事兩朝數十年中目擊耳剽虛文日增實
政殊鮮士風漸靡吏治轉汙遠而海濱近而輦下愁苦
蕭條之狀月異而歲不同是可盡諉之氣數哉皆風紀

不振使然耳如京官俸滿河南道例有稱職之考外官
給由巡按官例有保留之疏以朝廷旌別之典爲官曹
引重之資敢於樹恩而不敢任怨敢於徇私而不敢秉
公不惟窮凶巨蠹漫無所懲而賢能舉職之吏悉混珍
於魚目而無以自見激勸安在黜陟何憑此考績之積
弊也古之持正者以不受私謁不作書郵爲高今御史
巡方未出都門而密囑之姓名已銘心於私牘甫臨所
部而賄買之簡札常接踵於公庭堂堂多冠持斧之威
甘於俯眉束手一聽人頤指而不得以自由何望其厲
風霜而動山嶽耶此請託之積弊也撫按定監司考語

必託之有司有司侈加美考彼此結納每移公檄卽附
啟以納交少有私聞卽專書以馳告是非倒置權柄下
移此訪察之積弊也貪酷之官徧天下生民塗炭極矣
所劾罷者率多單微輒弱之流乃百足之蟲傳翼之虎
卽臧穢狼籍無不在優薦之中且嚴小吏而寬大吏詳
去任而畧見任此舉劾之積弊也方今糾治貪殘之法
失之太寬差強人意者祇有提問一節奈何豺狼見遣
而狐狸是問或陰縱之使去或屢逮而不行或批駁以
相延或朦朧以幸免填谿壑者或數萬金而贓惟撮其
一二刈草菅者或數百命而罰不傷其毫毛曾有一追

贓滿萬金者乎曾有一爲無辜之寃民抵命者乎此提問之積弊也有司之舉薦則先甲科而舉監非有憑藉者不與焉其彈劾則先舉監而進士雖有訾議者罕及焉晉接差委專計出身之途於是同一官也不敢接席而坐同一見也不敢比肩而入助成恣縱之風沮喪賢豪之氣莫有甚於此者此拘資格之積弊也州縣佐貳雖卑必待之以禮而後可責之以法今役使譴訶等諸奴隸獨聽其恣肆害民不屑禁治禮與法兩失之矣學校之官關人才之盛衰士風之邪正今在提學則曰此寒官也不計其學問之優劣而槩予上考在巡按則曰

此寒官也不問其職業之舉廢而視爲閭位遂使此輩
自分爲坐食閒員漫不知書課爲何事此處佐貳教官
之積弊也鄉會二試故有門生座主之名議者猶或病
之巡按以官職而相臨初非有師生之誼舉劾乃臺規
所必有不過爲職分之常劾者不肯自任以爲讐而舉
者乃冒認以爲德何耶尊之爲舉主而以門生自居筐
篚問遺終身不廢假明揚之典開賄賂之門借交際之
名爲要結之計無惑乎廉白之吏不多見於天下也方
今國與民俱貧而官獨富旣以官而致富又以富而買
官使賈誼生今之世其觸事感時又不知當何如痛哭

流涕矣此餽遺之積弊也陛下誠大奮乾綱痛懲吏弊
勅下部院酌議施行以挽回久壞之人心振作方新之
士氣則頽風可挽仕路獲清而率土之瘡痍庶其有瘳
矣乎疏入帝稱善勅下撫按奉行頃之言故給事魏時
亮等五人皆以忤權貴見黜宜賜甄錄御史于應昌等
六人皆得罪名教而止罷官宜正法且云臣初入臺誓
埽積弊今待罪三月而官吏貪殘如故請罷臣以儆有
位時已遷刑部右侍郎帝優詔報之召時亮等五人還
應昌等削籍貶秩有差旋偕中官張誠往籍張居正家
初擬爲居正所挫人謂持之必急比抵荊州張氏筐篚

所寄惟坐王篆曾省吾數家餘無遺蔓者還轉左侍郎
增俸一秩尋拜南京吏部尚書屢乞骸骨不許卒於官
年七十贈太子少保

明史作太子太保按御祭謚簡肅文及墓表俱作太子少保

賜祭葬如制憚性鯁直嫉惡如讐前後疏十餘上皆切
中時弊所劾內外重臣二十三人得罪者十七人其風
裁爲世所仰望明史本傳次海瑞呂坤之閒人以爲俯
仰無愧云子雲章

雲章字伯卿幼聰慧書史一涉卽能記憶工行草書嘉
靖四十一年以第三人舉於鄉登四十四年進士授深
州知州至卽殫心釐積弊杜一切餽遺修潯沱河堤岸

言城集卷三十一
三
禱雨立應無何卒於官年二十五憐哭以文詞甚悲至
云自念生平悻直處世過於孤潔論人傷於刻核以致
天人交怒而惡報及矣後擇族子雲肇爲子雲肇字似
林以憐號月林也舉萬歷二十六年進士授東明知縣
降河南按察司知事陞安定知縣終廬州知府雲肇書
法瘦勁工詩沒後或記其斷句云高岡繫馬千年樹衰
髮承冠兩鬢秋餘散佚無存者一幼子短折遂絕嗣後
七十餘年其外孫李澄中始出田宅以性善爲之曾孫
性善字近思康熙四十四年舉人授南宮知縣性善本
生祖志廣字洪區少遊勞山從道士齊本守學仙忽病

狂其兄挽以歸遂講理學聞安邱給事中馬從龍爲寧陵呂坤高弟與訂交同遊寧陵之門後從龍爲知縣所中禍叵測志廣倉皇赴其難晚年由歲貢授長清訓導旋投劾歸年八十三卒櫛弟桴字次林萬歷初恩貢懔慨有俠氣急人之難至於屢空桴子雲懔由舉人授南部知縣有治聲祀名宦雲懔子志充第進士仕至山西布政使其後多以文學顯具見文苑傳

臧惟一字守中先世居琅邪臺下祖斐字文甫父贅黃氏因姓黃由歲貢爲景陵衛經歷陞定州同知嘗解餉京師羨金數百兩無所取調忻州告歸父節見孝義傳

惟一登嘉靖四十四年進士始復姓授宿松知縣調繁太湖皆治行第一擢戶部主事改吏部歷稽勳員外郎攝文選司酌署人地南北遠近差次莫不得宜大學士高拱器之轉稽勳郎中萬歷元年以母病告歸旋丁內艱服除補原官尋調文選郎中值大學士張居正柄國每遷除部尚書必伺其意旨惟一持不可尚書不能奪故事新舊選郎數相造請而舊選郎爲居正密戚惟一屏絕不與通已進太常寺少卿提督四夷館八年轉大理寺少卿攝卿事侍經筵比熱審奏釋疑獄數十人帝從之九年春扈駕閱武賜紅羅鸞帶遷太僕寺卿轉光

祿寺卿節浮費以百千計當是時居正雖植黨猶推轂一二正人以關海內士大夫之口適缺僉都御史居正欲畀惟一舊選郎修前郅沮之不果及居正敗黨附者皆斥去惟一獨爲清議所歸擢順天府尹權貴請託悉格不行進河南巡撫持大體除苛細與民休息十三年旱荒檄郡縣發倉粟振饑疏請蠲是歲租賦報可民賴之無流亡先是光山牛產犢似麟越宿而斃有司以瑞聞惟一寢其事有畫工繪圖鬻長安市上傳入內庭帝遣緹校立取進覽惟一疏諫曰麟之爲物不恒有於天下今牛也而所產則異固無自辨其爲麟卽麟也而不可

日旋斃亦何敢據以爲瑞況人主一心萬化之原惟以敬而勝怠慮遠而謹微自可迓天庥而縣國祚矣疏入不報遂以終養歸二十七年起爲南京兵部右侍郎南兵素驕悍惟一殫力振作壁壘肅然工部請馬直二十萬助河工惟一曰留都根本重地無馬直是無留都矣抗疏力爭得留其半戰艦久壞條四事咸見施行未幾病瘁致仕歸卒年六十六賜祭葬贈南京工部尚書子爾用爾勸爾動爾令爾壽爾昌爾用官生爾動早卒爾令爾壽俱見忠烈傳爾昌見一行傳

爾勸字仲升萬歷二十年進士授戶部山西司事歷

兵部車駕禮部主客主事署儀制員外郎中擢陝西潼
關兵備副使改提學副使時年甫二十餘持重不輕假
所取士多登顯秩秦人稱水鏡轉右參政歷河南潁州
兵備右參政浙江湖廣按察使遷河南右布政使進廣
東左布政使清操甚著嘗書此鄉多寶玉慎勿厭清貧
二語爲座右銘特簡右副都御史巡撫寧夏時哱拜擾
西邊警急時聞爾勸激厲將士鼓以忠義設伏賀蘭山
陽示弱引之深入礮聲一振伏弩雲集哱氏敗遁斬首
數百級捷聞璽書褒嘉召拜兵部侍郎無何以尚書推
命未下忽告病歸日照焦竑稱其急流勇退且自喜知

言城集卷三十一
人爾勸會試出竝門也家居三年年六十四卒贈兵部尚書祭葬如制無子以弟爾令子允德嗣

允德字諧卿幼讀書思奮跡科名會父奏功寧夏予世廕例授錦衣百戶璽書至允德快悒不拜母王氏曰國恩也不可負乃稽首謝無何議晉北鎮撫北鎮撫掌詔獄自魏璫用事屬東廠允德曰吾豈爲中貴人作鷹犬乎固辭歸事親備極色養崇正十五年家門多死難者允德於兵燹中厝置數喪皆盡禮歲饑出粟爲食於路鄉人賴之晚年開松梧舊居日與諸名士攻詩賦染翰意相得年五十八卒子振榮振乾

振榮字均仁幼奮志爲有用之學順治九年以拔貢肄業成均與鄧漢儀丁耀亢二百餘人創觀文大社學益進十八年成進士授昭平邕縣方莅任滇黔告變桂林附之廣東西皆震動振榮悉力謀守於峽江兩岸設旌旗夜張鐙火賊艘疑畏不敢進故昭平於隣縣俱陷之後屹然獨存巡撫金重其才檄赴軍前理糧務賊乘虛陷昭平適懷集令缺金以爲東粵要害屬振榮攝之抵任二日僞將軍周一鶚自湖廣來犯振榮復力守一鶚宵遁而土寇王天福黃日本李花龍各聚衆據城西北官兵圍累月不下振榮致書招天福天福焚寨降日本

言城縣志卷三十一
九
花龍散走先是振榮染瘴癘告歸不許力疾守兩城皆
賴以全新令至乃謝事持東粵盡陷所至皆賊壘振榮
離懷集閒行爲賊馬雄所得旋逸去十六年二月抵贛
州謁鎮南將軍舒巡撫佟爲聞於

朝以不肯附賊擢寧州知州又七年以憂歸卒年六十
五振乾字幼青援列中書舍人愿慤寡言笑嘗鬻一女
後知其已字人即使完聚屢出廩粟活鄉里振乾子七
人次琮

琮字坤儀弱冠第進士授龍川知縣建書院課士親定
甲乙士爲建生祠除寧夏西路同知興水利裁麥饌朝

鑄銀數千兩民大快擢禮部儀制司員外郎調祠祭司
出爲建寧知府建寧俗多溺女琮作歌戒之乾隆二年
春境內雨粟三晝夜有麥黍紅黑豆四種巡撫欲上聞
琮力持不可事乃寢後念母春秋高求解組歸年六十
三卒族兄珣

珣字珣友祖永德見忠烈傳父振奇字君平廩貢生有
義行友人罹難寄銀三千兩人無知者難定還之封識
宛然康熙四十三年出粟振饑多所全活珣以附貢援
例授莘縣教諭母憂服除捐陞鳳翔知縣陝兵多驕橫
有白晝奪民金者珣出控於道兵咆哮甚珣命搜其衣

言城縣志卷三十一
得所奪金寘於法調唐縣陞晉州知州晉民舊苦差徭
願出錢免役每條銀一兩納百錢曰徭錢珣悉除之珣
卒晉人多會哭於署

丁惟寧字汝安其先由海州遷居縣之藏馬山下父純
字質夫歲貢授鉅鹿訓導陞長垣教諭砥行端方通世
務兩縣士皆敬重之歸與鄉人結九老會惟寧嘉靖四
十四年進士授清苑知縣遇事敏練無留牘縣附保定
府舊宿重兵多驕蹇難馴惟寧以禮訓其帥帥戢徒伍
彌謹舉治行第一以內艱歸服除補長治長治人善織
令此者例計日受一縑惟寧革之更請蠲織室之供上

官者以蘇商困行取四川道監察御史侍經筵巡按直隸白蓮獄株連千餘人悉爲寬釋部中巨璫馮保倨甚諷巡撫表其問惟寧執不可時張居正柄國諸路使者多望風希旨惟寧無所稟受居正滋不悅乃出爲河南僉事鞏縣苦河患爲規善地移其城民不稱擾有私鑿礮於山者邏卒持之急乃作亂惟寧以計擒首禍數人餘傳示而解丁外艱萬歷七年起隴右兵備僉事調江西參議移疾歸十四年強起督餉陝西無何授鄖襄兵備副使鄖襄廣袤數千里宗藩嶽祠多無名請乞惟寧節裁過半會鄖陽巡撫李材好講學遣步卒供生徒役

又改參將公署爲書院參將米萬春諷門卒大噪趨軍門洶洶不解者二日萬春脅材令上疏歸罪惟寧及知府沈鈇等材從之劾惟寧激變詔下吏議貶惟寧三官時十五年十一月也旋補官鳳翔不就歸年始踰四十益掃軌閭修築室懸父母遺像朝夕臨薦無異居倚廬時鄉人敬之年六十九卒子六人第五耀亢見文苑傳第五耀心孫大穀皆見忠烈傳孫似穀曾孫俱鏞

似穀字率胥順治九年歲貢授萊蕪訓導有孿生者爲盜所誣似穀力辯之知縣不聽遂徑達撫學兩院寃白告歸家居二十餘年嘗獲盜樹者其人誑以母死卽贈

爲葬具更予粟二斗好問學著大端亭遺訓持身治家之道畧備舉鄉飲大賓年八十四卒

僊字衛公益生年七十事繼母猶無閒定省子應蕙任靖江知縣僊策蹇潛至其境采風謠得廉吏狀乃入署有靖江縉紳罹法詣家求解者峻拒之應蕙字蘭友康熙四十一年舉人初宰靖江興水利人呼曰丁公港母憂服除補永年繁劇難治應蕙寬猛相濟去官日泣送者數千人或爲繪攀轅卧轍圖調井陘教民紡織之法以病歸

鐸字智臨崇正十五年父大穀遇害鐸年十四忍泣不

敢哭藁葬後乃與族兄亮共舁祖母逃入山備極艱苦
後予亮田二百畝報之知縣陳邦紀死於盜欠庫金鑄
爲集紳士多方補苴其妻子始得歸以廩貢終子澤溥
字念雲亦廩生母臧病艱於動履出入皆澤溥肩負遂
無意棘闈人稱其孝澤溥長子廷植

廷植字孟發年十歲與弟芳植同卧一樓樓壁裂有聲
家人奔散廷植手攜芳植躍出樓始傾弱冠屢遭大故
皆盡禮雍正八年第進士分發直隸以知縣試用時歲
大祲上官委往山海關留養流民廷植於成例外每捐
資給衣襦事畢補永清十二年永定河決城垣官署

不保廷植急取印信釋獄囚乘筏拯溺者盡出倉粟振
之民賴不死乾隆二年河復決時廷植以築堤在韓信
鎮距城五十里夜冒大雨率四五騎以歸倉庫得無恙
自是益諳河工總河顧琮以署南岸河防同知四年陞
天津通判施以事罣誤降調引
見復原官久之補南陽通判嵩縣二程子裔皆世襲五
經博士以爭祭田構訟二十年不解上官委廷植鞫之
爲述先賢舊德復喻以骨肉至戚兩博士愧服嘗署洛
陽縣七閱月無留牘民頌之以母老請養歸廷植性和
厚晚年益杜門不預外事鄉里狂悖者無故辱詈之弗

言城縣志三十一
與校日教子孫讀書爲娛樂舉鄉飲大賓年七十八卒
長子琰字崑圃由例貢捐授長治知縣縣倚府府役某
肆虐鄉里知府庇之琰治以重法縣故有起文書院抽
俸新之又爲養濟院置田如干畝時距惟寧宰是縣已
二百年琰復有善政人比之大小鄭公陞廣信同知府
有封禁山連福建界明鄧茂七所據以亂者也姦徒竄
匿其中往往爲民害琰白於巡撫往勘之攀緣林木涉
幽險以勞勩卒惟寧從兄子自勸

自勸字茂淑萬歷三十二年進士授襄陵知縣時年方
少習簿書如老吏縣給事某貪鷙其子嘗殺人自勸捕

之寘大辟遷南工部營繕司主事督理蘆政會福王之國請沿江蘆田爲湯沐費上許之自勸疏言福藩光昭令德首將各省贍養土田疏辭其半遐邇臣民已於入洛之初慶令聞之洋溢矣奚所資於蘆地之租銀必欲分額解之帑藏以自益耶夫蘆地濱江滄桑倏變小民不時告罄告補州縣不時丈灘丈淤一經福府管業而遷徙無常之洲灘可載爲圖冊中之實數乎突遇衝沒逐流而散可一一問諸水濱乎且承佃納價者雖非恒產實有定額一旦而爲福府之王莊是清丈隱占之日有洲有租而因以有價交冊管業之日有租有價而頓

令無洲矣哀哉窮民價不可返洲不可憑不有灑泣以
添江流之溢者乎此豈非管業之初憂在無課管業之
後又憂在無民乎其在福府今辭蘆租更賢於辭贍養
國家予福藩以辭蘆租之名更大於予福藩以受蘆租
之實也上知其不能奪竟回成命福王初見疏大恚自
勸移書長史等累數千言詞甚激切末云仲舒伍被皆
古人請諸君自擇之王覽書氣沮事乃寢自勸更定田
上中下稅民便之進兵部車駕員外郎陞武庫郎中出
爲保定知府保定多中貴人勢張甚自勸不假顏色中
貴人銜之落職歸後以巡按薦起補潞安推官擢工部

虞衡主事權南新稅行署爲錢武肅王故宮有白髮老人爲祟自勸此曰射潮兒擁錢塘百萬戶四十年顧猶不足而沾沾於故第乎作文讓之不復見外艱服除補戶部四川司主事監兌蘇松常鎮餉以勞瘁卒於官年五十四

列傳第三

陳魯公

正十四

以備四川行

不致而時時然

人壽自滿日快

廣東市事詳南

列傳第四

諸城縣志三十二

王禮雱泉鄉人洪武末歲貢永樂中授滿城知縣性耿介莅政以嚴待士以禮持躬廉約日食蔬糲聲大著見畿輔通志及保定府志

王雲字天章居城西北隅舉弘治二年鄉試十五年成進士授南刑部主事守法不撓歷員外郎中陞平涼知府丁內艱起復補嚴州罷

王銓字秉衡其先居城西小店王氏由小店出者三一往新城一遷相州鎮而銓遷居營子邨銓少孤力學讀書期濟世條列六事上吏部尚書楊曰定邊曰理財曰

均田曰救荒曰治河曰修養楊奇之嘉靖閒以歲貢授
清河知縣縣瀕運河與武城爭堤堰不決者數十年銓
力持之俾兩縣利害相當民稱便以疾歸卒年七十四
子侍字廷佐隆慶元年舉鄉試第一年方少丰神偉秀
見者器重之發憤下帷六上公車不第卒年僅四十

王梁字任甫世居原河社所上邨父隆好義一日雨雹
深尺許隆以居近官道恐有行旅遣傭工者持簣往護
之果有四人相抱哭乃護之以來旣而四人復大哭詢
之曰某販金客也倘失金仍不得活隆使人覓其驢得
之石橋下客乃出金鞍中爲隆壽峻卻之梁以隆慶元

年舉於鄉萬歷十三年授林縣知縣縣故瘠磽梁爲因
河鑿渠灌田數百頃民賴以濟創建黃華書院士多聞
風而興者潞藩出封上官檄梁主餼廩供億繁多咄嗟
立辦諸中貴緹騎格外需索者拒弗與十七年遷正定
同知俗獷悍多劇盜府縣吏聚議或撫或殄不能決梁
曰撫則縱寇殄則濫及無辜非計也乃反閒以攜貳其
黨獲渠魁甚衆窩盜周某累貲巨萬梁按致其罪津要
多爲居閒竟論如律有囚被誣陷父子皆寘大辟直指
庭鞫囚呼號願得王丞一訊死無憾梁卽白其寃出之
直指嘉梁才行部使隨左右凡疑獄多折衷焉二十五

年擢戶部員外郎晉郎中權稅督倉事皆舉二十八年
出爲撫州知府有庫吏逾期不代梁發其藏乃以乾沒
伏辜會中蜚語論調歸梁性恬靜有執持嘗題壁自盟
曰食淡精神自爽心清夢寐常安可以想見其人子化
貞字肖乾以梁別號乾山也後志稱其居鄉以孝聞萬
歷四十一年進士由戶部主事仕至右僉都御史廣寧
巡撫事具明史熊廷弼傳

王家棟字峻衡其先姓李氏萊陽人有以赴任過縣而
病者倩璠邨王某醫之愈留一子林爲某嗣遂爲王氏
家棟萬歷閒舉人由費縣教諭陞蘭陽知縣三月以父

夏歸服闋補沙河沙河當九省之衝劇盜出沒多所劫掠家棟至嚴保甲置汛防盜皆屏跡閹黨魏廣微過縣題詩館舍稱家棟爲循良歸語魏忠賢授意巡撫羅致之家棟不肯附以薄罪奪其官閹黨敗復職候補蘭陽適缺時文選郎中卽蘭陽人舊識家棟欲爲圖之家棟曰何處不可自見敢私謀善地哉乃補黔陽遠涉苗疆中瘴癘卒於官子業昌諸生扶櫬行數千里抵家髮頽白崇正十六年正月

大兵過其邨業昌方讀書樓中遇害孫允憺見孝義傳
冒孫汝嚴汝來爾翼汝來見一行傳爾翼見孝義傳

汝嚴字伯莊由附貢援例寧海州訓導州多山山人樵
櫟樹爲薪汝嚴教以養山蠶法人利之汝來子引槿字
班瑚廩貢生好讀書乾隆十二年捐授膠州訓導時大
饑登萊青道趙晃委理振務引槿手一冊日行荒邨逐
戶親勘不爲胥役所欺明年夏以捕蝗過瘁致疾卒汝
嚴子斂福

斂福字凝箕康熙六十年進士改庶吉士雍正元年未
散館以薦授吏部稽勳司員外郎調文選司陞考功郎
中出爲浙江溫處道僉事溫州東南海中有島曰玉環
田數百頃可耕而舊爲海盜泊舟地斂福請設玉環同

知招貧民給牛種開墾遂爲重鎮調任杭嘉湖道視築
海塘風雨不張幄嘗登尖山望海勢謂屬官曰卽於萬
家閘備草盤頭草盤頭者積草土爲埠以防水者也屬
官笑以爲迂是秋潮至果由萬家閘以有備得不決大
計膺卓異十一年議設兵備道於海寧專督塘務統轄
文武

特簡斂福往未幾副都統某以舊嫌劾其庇屬員例鐫
級乾隆三年引

見發江南以知府用途中丁外艱服除補潁州潁多水
患斂福爲疏溝建閘請帑修泚茨諸河尤興文教纂府

諸城縣志三十一
志建清潁書院甚得士心調繁江寧葺明忠臣汪偉祠
爲卹其裔俾奉祀十五年仍調潁州斂福先去潁時民
爲塑像祀西湖上至是前事未竣者益自奮勵爲之以
病歸卒年六十五

王勸字袞華其先自平度州遷縣之水西社祖思曾字
省吾性純孝繼母無子事之甚謹母嘗曰吾死必請於
天使汝生賢子孫也爲縣掾治獄多陰德謁選應授典
史忽慨然曰資格有限第爲貧耳然恐以利傷義也拂
袖歸爲人端方鄉黨不平者咸取質焉父翰元府學生
修長者行屢遭橫逆不與校買王思祿產已與直矣復

憐而還之崇正九年里社苦累逃亡相繼值勸舉鄉試
卽以所得坊銀代償逋欠社人得守故業勸登順治四
年進士授宜興知縣行保甲法甚力縣有巨盜據深山
爲窟宅勸以計獲其渠魁二人已聞奸人潛謀將乘間
刼取因遣役城門稽出入見有以牛車載草入者重異
常索之果兵器也卽捕之而城內猶洶洶不靖乃出示
將以某日斬於郊同官言賊黨千人恐於行刑地爲變
勸不聽屆期先遣人至其地爲位候已乃備儀仗縛二
賊甫出城卽斬之揭其首反側者潛遁去再任文安爲
治不畏強禦民甚感頌爲立祠祀之卒年八十五勸從

元孫中孚見文苑傳族子度昭

度昭字玉其父勤諸生年十二罹兵難流離費縣朝夕泣思父母有孫翁者憐而歸之兄早卒無子遺女適喬姓貧甚勤割田宅給之度昭康熙二十年舉於鄉明年捷禮部又三年始殿試授浪穹知縣時吳逆初定丁少役繁死亡者尚多著籍度昭盡除之民大悅服行取去官民爲建生祠先行一日肖像泥未乾不可施采色或欲以火烘之衆不可數百人各解衣以身偎之一夕而乾三十八年授河南道監察御史父憂服除補浙江道巡視南城風裁峻著出爲鄖襄道副使荆門水漲沒田

永卽以災聞蒙允蠲振王守仁祠祭田數百畝爲猶民
冒占度昭廉得其實置之法以田還其後裔擢光祿寺
少卿尋遷順天府丞又遷大理寺少卿四十七年典河
南鄉試稱得人累進僉都御史太常寺卿通政使左副
都御史其時米價騰貴請出太倉米平糶稱

旨進戶部右侍郎湖南巡撫趙申喬與總兵互相彈劾
度昭奉使往鞫卽署巡撫事滯獄纍纍度昭燭照刃割
立結四百餘案還授浙江巡撫屏餽遺力禁濫差株連
之弊暇則取書院諸生文爲定甲乙西子湖號天下名
勝三四年未一遊讌五十四年陞工部右侍郎疏論西

域屯田其畧曰近者澤旺阿喇蒲坦無故侵犯哈密

皇上赫然震怒調兵遣將分據要害以張天討又念兵
行糧從先計積穀以資騰飽屢發帑金構買駱駝捐備
馬騾以運送米石其鞍筐繩席等項所費已不下數十
百萬究之運到之米不敷支給巴兒苦兒阿爾太之地
車轍不通水草不時即使駝馬足以領運而人夫數千
越山度嶺沙壅石阻所運之米恐亦未能旦夕到也因
此而議屯田屯田誠是矣但氊裘之衆習農者少而苦
寒之地霜雪無常恐收穫未必如願似不及綠旗多游
閒之輩亦有田家之子特迫於無地可耕遂入籍行伍

以資活計者猶可鼓舞而驅率之耳臣以爲欲滅此小
醜急以取之不如緩以圖之之爲愈也輕言進兵糜費
金錢於無用之地不如重於用謀整頓戎紀不戰而屈
其兵之優也今誠嚴飭隣近諸國不許交通茶布及一
切貨賣之物使彼獨坐窮山不獲市易之利則人心必
離卽或肆其故智侵擾屬國以嘗我軍亦令諸國互相
應援堅壁清野勿與輕校而於陽關哈密嘉嶼推河等
處擇其水草足以畜牧田地可以開墾者改移三鎮每
鎮精兵三千人其食糧之親丁與匠役另籍一冊以一
半屯田給之牛力籽種春夏耕耘秋冬射獵以一半游

巡稽察非常較試技藝復倍其糧餉使多備戰馬修整甲械不過五年穀之積者必多兵之習者必精矣其西安歸化滿營亦令各選精兵三千倍其糧餉時其訓練與綠旗之兵同候調遣

皇上於親信大臣中擇一老成知兵者總統之提鎮以下咸受節制而後事權歸一號令可明陳兵載餉壓境以臨之彼澤旺阿喇蒲坦懼覆亡之無日悔從前之不道卑詞乞降亦未可定倘仍怙惡不悛則輕兵捲襲彼迫於天誅人無固志雖有善匿之術亦無容足之地矣前後疏數上其有關國計皆類是明年丁內憂服除卽

家拜兵部右侍郎首上疏陳馬政陝西等五省便之六
十一年春

賜諸叟宴諄諄以老年君臣相須勿遽求去爲言是冬
監督奉天糧稅除累年積逋人甚感頌以衰癯積勞奄
逢

聖祖升遐哀痛成疾逾年告歸度昭性純篤遇物渾然
若無町畦而意所不可強有力者不能奪歸數月卒年
七十有四子三人奇猷弘猷建猷奇猷舉於鄉建猷早
卒

弘猷字圖南康熙末舉於鄉授孟津知縣縣陋例軍犯

至者皆邨鎮遞養軍犯無賴子養之者多被凌侮弘猷
抽俸墾荒田如千畝令軍犯耕種自給民爲立碑馬家
屯道旁又禁卒八人工食絕少舊使良民輪充充者子
弟不得應試苦甚弘猷歲出數十金招貧者爲之弊遂
革民復爲立碑頌德政莅任七年以辦軍需遲緩罷歸
奇猷子輅

輅字孟載與父奇猷同榜舉人雍正元年成進士由景
山教習授刑部廣西司主事遷吏部考功司員外郎性
孤峭與人多不款洽獨新城何世基深器重之陞郎中
京察不阿權貴調稽勳司司故掌八旗勳舊承襲及大

臣世廕之制人憚輅剛介無敢于以私者居京邸六年不攜家屬襆被蕭然如寒士嘗曰官京師者一攜家屬需費卽多往往不能保其所守吾若此殊覺寢食甚安耳七年出爲延平知府前守張以虧負羈不行輅悉爲代償持己清慎一如居吏部時以卓異薦未及行丁內艱歸乾隆六年起補池州府整己率屬不爲煩苛嘗出俸修齊山清溪二埂行者便之攝按察司篆舊牘纍纍手剖口決數日內積案一空民大悅服罷官後貧不能歸池父老相率饋薪米者塞於路輅曰不可以久累吾民去之江寧後適揚州卒於客舍年六十九子四人錫

言身集卷三十一
九
疇最少輅罷官錫疇年十九隨侍江南先是輅知延平
時爲錫疇聘胡通判女至是胡宦遵義屢以書迎錫疇
就婚輅亦促之錫疇大慟曰父子伶仃在此忍更違離
耶客居日久僮僕散去凡輅之所需自飲食藥餌以及
衣服澣滌之事皆錫疇爲之如是者十餘年竟不娶輅
卒錫疇旋以哀毀不起年三十四

王珵字元玉世居河下隅崇正七年進士授涇陽知縣
時張獻忠大掠同華閒珵率精騎百人自潼關疾馳數
遇寇數敗之從雲陽鎮抵城下免胄大呼曰我知縣王
珵也出符驗以示縋城上寇大至圍城數匝珵焚其攻

具兩月救弗至縣有王生祚丕兄弟三人皆曉兵機驍悍能格鬪程厚遇之王生鼓譟出死戰殲掌盤掌賊營帥也王生中數槍沒程奪其尸歸裂帛血書文以祭衆大感動寇敗去城竟無恙總督某索赤金絨褐狐腋等物吏進曰舊例也程叱曰涇陽野如顏忍索耶抗不奉檄總督怒以註誤歸从之吏部尙書謝陞以邊才薦補遵化知縣遵化當薊門最衝其時諸鎮馬步十九萬人屯其境大擾害程單騎詣大帥云兵有囂而過市者令請以頸血濺轅門大帥因嚴飭將士勿脫汛內閣劉督兵二十萬至郊外巡撫楊避山谷去縣大困程馳五

十里謁楊楊云惟君設法吾奏請可爾豆芻等物立辦
劉大器異之薦於朝除兵部職方主事請嚴飭邊備陞
湖廣屯田道僉事閣部楊嗣昌具疏請知兵者改河南
汝寧道僉事討流寇數戰皆大捷寇遁入山無何寇衝
出程命參將黃鼎遊擊陳彥魁都司孟學孝學忠分擊
之寇皆陷伏中後寇圍光山程夜傳諸營將授兵法元
日大雪逼寇壘殺五千人陞左參議旋解汝寧信陽圍
加參政後罷歸卒於家年八十二子咸炤見文苑傳
王斗樞字均五世居賈悅鎮少奇穎讀書一過不忘明
崇正十五年舉鄉試第一順治六年成進士授崇義知

縣地荒僻撫字備至調繁進賢歲大饑湖山寇交訌斗
樞繪圖控督撫爲請蠲租稅卒如其議寇乃解建書院
壇山上日與諸生講肄其中歡然若布衣交去後縣人
卽其地爲位祀之遷戶部廣東司主事督徐州倉不持
一錢歸康熙八年督鳳陽倉旬月閒積弊盡革以勞瘁
致疾卒於官孫延祺延禮延祺第進士仕至禮部郎中
延禮字孝可少穎悟能文與延祺同舉於鄉登康熙四
十二年進士四十三年縣大饑鬻田園施粥振鄉里後
授龍南知縣獄中先多繫累者數年不得釋卽赴上官
白其寃俱獲生全縣人頌曰神君分校鄉試榜未發有

言城縣志卷三十一
宿儒辜生曰吾卷倘分王公房必獲售已而果然蓋所得十三人皆江西知名士亦卒於官

王開基字撫原其先由小店遷相州鎮父允升少孤績學勇於爲義歲祲煮粥振鄉里者半載人以爲有陰德開基舉萬歷四十六年鄉試母沒哀毀盡禮撫弟遺孤如己子順治初授壽昌知縣時東南新闢草昧吏民多畏罪匿山中弄兵自衛開基單車至諭以大義乃獻歸附冊勞來撫循具有法度事既定而標官獄起標官者故山中大豪也諸縣令奇貨視之招部民告訐開基曰朝廷已下詔許投誠矣奈何棄吾民哉有以標官告者

槩勿論上官切責之已而諸大豪復相率入山爲盜旁
郡縣悉被其害獨壽昌無恙上官乃謂開基前所持得
大體五年撫按以治狀聞擢工部虞衡主事陞員外郎
八年使理南河水工爲檢冗費省夫役民不驚擾十二
年調營繕司以病告歸卒年六十九孫沛憬
沛憬字沂來與再從兄沛思同舉四省鄉試時號二王
授涇縣知縣先是土豪查某與族弟某有讐誣以强姦
叔母前令得重賄羅織成獄沛憬以跡涉附會白按察
使按察謂爰書已定難更易沛憬抗聲曰人倫大變風
教所關何得以烏有之事枉殺無辜乎按察重其直言

於巡撫立爲湔雪前令虧庫帑數千金沛憬堅不受代
觸知府怒遂告歸沛憬再從子植

植字繩木雍正五年進士改庶吉士未散館授大城知
縣縣俗停喪不葬至家有八九棺植嚴諭里甲每棺給
銀一兩月餘盡葬築子牙河堤堰不防民力縣南白羊
河決被災四十餘邨植不及上聞卽發倉粟振之民徐
形者秋夜守田禾被殺植往鞫使保正立集居民各驗
腰鑱一無鑱者曰周鳳魁更觀其禪厲聲曰殺人者鳳
魁也遣役至其家搜鑱及血禪果得之蓋農人禪短便
操作鳳魁禪獨覆足故知其殺人血污乃衣婦人禪耳

一時稱爲神君母憂服除補安溪多所振興乾隆七年
詔舉極言直諫如陽城馬周者左都御史劉統勳兵部
侍郎王承堯以植名上八年卓異陞泉州府西倉同知
未赴以疾歸舉鄉飲大賓卒年六十八開基弟拓基見
孝義傳拓基子鎖字北門諸生明季縣多土賊鎖與從
兄鉞率衆禦之衆不敵漸潰鎖謂鉞曰吾兩人有老母
雖死無所逃悉力拒鬪左脅中賊矢手出矢授鉞使射
賊族屬獲全鎖子沛懋

沛懋字時勉以例貢考取國子監教習授信豐知縣未
之官連丁內外憂服除補新昌修復雪塘水利民賴之

署嵯縣值鞫大嵐山叛獄民多被株引沛懋力爲營救
全活無算旋以疾卒於官拓基弟恢基字弘圖應童子
試獲售例應覆校聞母病卽棄筆硯歸學使者諒其情
得不黜崇正十六年染疾曰天下亂矣不及吾身幸也
卻湯藥不御而沒子鏌鉞錫

鏌字伯和順治六年進士授戶部浙江司主事使江寧
督復成倉調劑兵民餉以不匱十一年再使通州理坐
糧廳事地繁劇姦人多集其閒鏌裁之以法不期年宿
弊盡釐陞員外郎進雲南司郎中

詔簡部曹才行優敏可司民牧者鏌與焉十三年授江

西饒南九江道參議饒新被兵戍卒驕悍多有匿良家
子女者鏐使自首得贖金其民不能贖者鏐爲出囊金
千餘歡聲載道調廣西府江道副使府江故絕徼多樾
林谿峒往往爲獐狝雜據鏐編茅作舍與山城民錯處
一切以寬平處之十六年仍調饒南九江道旋陞貴州
按察使將行會部民方雷等二十家被誣謀叛總督已
據武弁言入奏矣時海氛初靜特嚴通逆之禁猾民與
大弁通多誣富民以爲利鏐曰吾不可以旣去而不救
吾民也卽如會城白於總督覆請得免俟報下乃行貴
州當雲南之衝時方用兵禁旅往來供億繁甚巡撫屬

言城縣志卷三十一
五
鎮治其事爲州縣計道里均勞逸棧竈芻粟皆有條理
胥吏無所售其私土官龍瓚者本無異謀貪弁襲執以
希賞鎮破械出之康熙二年陞江西右布政使尋除江
南左布政使江南故陪京人

國朝設藩署事無大小皆創起無舊蹟可稽胥多淆亂
爲奸前官註誤去者趾相錯鎮力懲之不少寬假胥鬻
指相戒勿訛法以疾卒於官年四十五賜祭葬如例鎮
性爽慨不事矯飾居家孝友與人交有終始子沛惇七
品廕生沛愷舉人沛愷子楷見孝義傳楷子元焜

元焜字孟韜由副榜授荏平教諭乾隆十五年運河溢

張秋鎮巡撫委勘振濟所甚衆秋滿陞永安知縣時
弟元熾亦遷知彌勒州而於鹽山任內城工賠累數千
金囊空無堪元焜馳歸里倡諸弟各減值鬻產以償元
熾得無累永安民故狡悍每食斷腸草誣所讐獄多不
結元焜力清之囹圄幾空旋卒於官

錢字仲威初號左菴後取無心任運意更號任菴少與
兄鏌同學質鈍於鏌而好爲湛深之思順治十五年舉
禮部明年成進士以母老不仕母憂服除康熙八年授
西寧知縣爲政不事威刑日進諸生於庭與論文藝十
三年吳三桂反廣西總兵孫延齡應之乃用其僞將綏

姓者率兵萬餘犯梧州梧州距西寧僅八十里鄰縣紛從賊鉞聞警立召諸狼長示以威信團練士兵五千自冠兜鍪枕戈城頭以待賊將陳四者來攻屯城外三十里月峒知有備乃遁去先是吳逆踞江上流全粵震動總兵班際盛與鉞素相善遣介告鉞謂我寡彼衆有退汎不守意鉞馳書曰梧州爲東粵咽喉無梧州是無東粵也將軍受朝廷恩宜効死力萬萬不可退水口一步且制府援師旦夕至可乘勢恢復樹功名於不朽班感動不數日援師至賊乃退總督金聞之大喜曰土君一紙書賢於十部從事矣與巡撫劉交章薦之部檄行取

已就道平南王尚可喜怒上疏請留是時劉進忠叛潮州孫延齡跳梧州祖澤清方驕蹇如奉乳虎而可喜耄而好利無深慮又其子俺答公之信陰與諸逆通一日延齡遣使遺之信鷹劍鉞偵知曰鷹者勸其擊劍者勸其斷之信叛必矣吾豈以清白之身陷濁淖中乎乃引病求免歸十四年四月也閏三月高州難作至明年正月全粵遂陷鉞旣歸以著述爲事十八年會舉於鄉召試博學鴻儒不第家居二十餘年遇鄉人多厚德卒年八十一子沛思沛懌沛恆沛恂沛思見文苑傳沛恆字汝存康熙二十三年舉於鄉三十三年隨戶部

尚書王鶩如陝西振饑事竣議敘三十八年授漳州同知鞠龍岩盜沛恆謂盜多賊少不足據已而盜有死於獄者事由縣令秩滿慮絀於盜陰取無賴子充之沛恆訊得實釋無辜者六人巡撫奇其才留居會城治獄福建防海戰艦三百餘無一存者急則奪民船以應沛恆請支官帑制船旬月而成時耿逆初靖提督請汰兵督撫與商可否沛恆曰第簡不任甲者去之罷役及死亡弗補不二三年兵不裁而自汰策之上也從之沛恆善斷疑事喜興事功所至皆有異政丁母憂服闋補臨安同知以清勤練達薦陞溫州知府首禁海埠以便商船

瑞安斥鹵閒有餘地知縣議清丈沛檀曰一隅者升科
幾何徒啟吏胥窟穴耳使額外已墾者得自首報民感
之五十一年陞四川建南道副使建昌衛苗民因鹽直
騰貴蟻聚萬餘人圍城將肆掠沛檀時在成都連日夜
馳至諭以禍福乃解五十五年陞貴州按察使貴陽民
昏夜爲拜斗會或誣其匿河南亂民袁進巡撫遽發兵
圍室獲數十人沛檀閱所誦經偈曰愚民惑福田非爲
亂也且袁進被獲年餘矣檢邸鈔白巡撫疑頓釋五十
七年陞廣西布政使核捐穀革圖差親給餉兌糧侵勒
者不得逞

言坊縣志三十二
世宗御極累擢太常寺卿通政使

命讞獄浙江分別情罪皆平允因訪求其地吏治舉原
任湖州知府吳簡民糾寧台道陳受漣皆奉

明旨後人始知之四年陞左副都御史旋拜吏部右侍
郎時大學士朱軾兼部事深喜贊佐得人會如山東核
庫帑給假省墳墓五年疾間作特班時

命同大學士田從典立聽

訓旨蓋異數也上疏乞骸骨加左都御史銜致仕

陞辭命內侍扶入慰諭諄諄頒賜優渥歸五年年七十

七卒事聞給全葬遣官致祭子三人長本次棠

本字大木由例貢捐授戶部河南司員外郎凡田賦版籍一覽卽得其端緒部尚書倚如左右手恭送

聖祖梓宮於馬蘭峪日食脫粟菜羹儼然倚廬中人歸邸舍不入私室靜海勵廷儀嘗稱之旋卒於官

棠字尚木年十六舉鄉試雍正二年捐授工部虞衡司員外郎時發帑銀三十萬兩採購

景陵碑石經年不可得而帑銀已糜三之二

世宗降旨切責部尚書惶懼不知所爲棠請獨任率石工鑿山得石如式親鞭策昇至同官始免罪戾棠英毅勇於任事監督琉璃廠嘗鬻產爲前官補欠銀部尚書

器異之然陰忌其逼五年會盛京工部請員遂列棠名及引

見

上忽詰以專擅部事蓋爲忌者所密劾棠乃歷陳苦累狀

上曰不自侵欺足矣代人出金甘之乎棠曰臣父沛儻命臣寧自損不可以細事瀆

天聽也因及

景陵碑工情急淚雨下時部尚書侍郎皆在側

上詢問皆免冠謝棠受知由此始卽授直隸口北道僉

事給摺許言事首劾

皇莊王田莊頭不法寘於理又大同鎮總兵委員越境
丈地大擾民宣化懷安懷來三縣支應房結兵部胥私
領火牌假冒報銷棠皆疏劾允嚴勘宣化舊有惠民渠
可灌田旗民相爭三十餘年不決棠爲清勘使分渠共
灌人立石頌之九年
下詔褒嘉謂棠實心任事內外大小臣工若皆如棠朕
復何慮卽加按察使銜以示優獎時西陲未靖軍需紛
綸棠上四策曰籌畫駐劄滿兵之草豆曰添設邊外防
守曰軍需馬匹宜使內地均買曰各部落蒙古進口宜

用印文稽查俱允施行疏十數上皆關軍國大計十一年加光祿寺卿銜給

欽差大臣關防又諭以軍功事重有機不可待勢不相及者聽棠爲之不必拘成例棠在口北八年權與督撫埒十三年被誣劾侵帑銀罷乾隆改元廷臣鞫之得湔雪以雲南道府用旋請終養歸十三年春車駕東巡棠迎於濟南蒙慰問將錄用俄感疾卒年四十四

沛恂字汝如舉京兆授海城知縣地旗民叢居前令聽訟多依違沛恂研獄無成見境內帖然縣多逋賦皆不

許民售田所致沛恂請於上官曰有不許民賣田之禁不能無勢必賣田之民民重犯法故私賣者納無地之糧而私買者種無糧之地此官民兩困之道也宜弛其禁從之康熙五十一年安平水師太督李蔚奏請
詔九卿各舉所知吏部尚書吳一蜚以沛恂上擢兵部職方司主事時蜀中用兵因駁馬乾銷算不符忤部尚書意罷歸錫見一行傳錫孫榛字文本由例貢援例授荊州同知荆沿江築堤每歲發民修之胥吏緣以漁利榛悉革其弊捐俸獨任之更爲言於上官令已後皆計工與值民甚便之知府某虧倉粟三千石榛爲代償在

任數年免歸自開基至榛皆出於允升縣中諸王仕宦以允升後爲著允升又有族孫潭者字龍所明季

大兵東下被掠潭念父老無依晝夜泣不食旗弁心動歸之居鄉多義行康熙初土寇于七據棲霞巡撫檄縣供軍需分屬各社急甚社中無敢應役者共推潭囊裏數百金走軍前買草豆以納闔社晏然子善宗字茂先康熙十八年武進士授安平水師左營守備靖海侯施琅一見奇之曰將才也安平爲臺灣門戶外接澎湖島嶼以百計奸人出沒其中善宗分遣戰艘晝夜巡警終其任無敢窺鹿耳門者俸滿調陝西興安營白土路守

備以事降千總歸弟篤宗字克前監生候選州同康熙四十二年五十八年兩出粟周族人族人賴之通兵法著有陰符經注未仕卒弟培宗

培宗字德厚幼貧不能延師就學他邨隆冬卧單簀讀書至咯血不少休登康熙三十九年進士仍授徒給朝夕四十二年父母相繼死於疫培宗痛幾絕服除授南樂知縣縣新令至里下例出錢曰鋪墊培宗革之并裁養馬浮丁萬餘振水災分粟四境老弱坐給十日一週胥吏無所漁食民感之五十二年以督撫特薦擢禮部主客司主事五十四年分校會試所取士繆曰藻賜及

第陞山東道監察御史巡視西城掌登聞鼓歷掌山西
陝西江南浙江河南京畿諸道劾吏部私竄奏摺舉朝
爲動色六十一年

賜宴乾清宮以金杯命酒出入許子弟扶持而培宗疾
且老矣雍正二年告歸立家廟置祭田三百畝又營兆
域俾同祖以下皆葬其中其餘田宅分給子姓者甚多
卒年八十三子令

令字尺一康熙五十三年舉於鄉授平武知縣多惠政
江油夥盜十餘人同官欲概置大辟令執不可乃誅首
惡而止以父年老請養歸令性孝繼母患癰疽令親吮

之父繼母相繼卒令哀毀骨立起復補餘姚地近海颶
颶不常令築堤栽榆柳七十里以障田出水者二十
萬畝人號曰王公堤卒年六十七子庚祺字東明亦舉
人授徐溝知縣時金川跳梁軍需旁午庚祺不以累民
亦不廢事後坐失察部胥僞牌去官引

見仍以知縣用補平魯俄調懷仁有張李二人同宿逆
旅李之讐欲追殺李而誤中張衆疑李殺之庚祺緩其
獄卒得賊以憂歸父老遮送終日不得行卒年三十六

列傳第四

爲卒將效以憂歸父步參政終日不持符卒年三十六
李之警將出將卒而陷中縣衆戮李之奧斯其
貝以收灘用薛平營州隨對二許趙李二人同前並
我不知事遂坐失察情實錄職法官使

人對翁振收灘部金川提舉軍需安平奧斯不以累列
萬州人認曰王公與卒年六十少子與振卒東地夜舉
與不常命榮與并劍縣十十里以細田出水中共二十
父與振卒年與趙骨之張其縣續敘其以貴與

